

## Roma Pauloŋe Roma yengât ekap kulemgum katyiŋgiop.

O bukulpine,

<sup>1-5</sup>Yen Roma kapi ambolipŋe Anitâŋe Yesu Kiristohât pat kuyiŋgim yâkât komolân torokatye hop. Nâ Paulo, nâŋe pepa yu kulemgum katyiŋgian.

*Yesu Kiristo, Anitâhât nanŋe, Dawitihât senâmbâ gâtŋe*

Bukulpine, Anitâŋe Yesu Kiristo hâŋgâŋgumu giop yâkât hoŋ bawa manmâ gaman. Lohimbi hânŋan kulemŋan manmâ araiŋe Kiristohât topŋe nâŋgâŋetâ bulâŋe otmu biwiyenŋe yâkâlen katŋetgât Anitâŋe menekmâ aposolo âi sâŋ nihimu den pat âlepŋe ekyongom manman. Den pat yakât topŋeâmâ emet inânŋan Anitâŋe poropetelipŋe ekyongomu Miti pepaen kulemguwi ya yuwu tap. Anitâhât nanŋe, Kutdânenŋe Yesu Kiristo yâkŋe Yura nengât tâmbânenŋe, lok pato âlâ, kutŋe Dawiti sâŋ, yâkât senâmbâ gâtŋe. Yawu gârâmâ Anitâŋe kulem âlâ kândâkdâ miop yamâ Yesu Kiristo mumuŋambâ mem yahalop. Yâkât nâŋgâmunŋe Anitâhât nanŋe tâŋ tâŋâk otmap. Otmu Anitâŋe ikŋahâk tep âlep nâŋgânihim nanŋe hâŋgâŋgumu ge nâhâlen tetem aposolo âi sâŋ nihiop. Âi sâŋ nihimu yaŋak benŋe pâku lohimbŋe biwiyenŋe yâkâlen katmâ denŋe lâuŋetgât ya yengâlen ari den pat âlepŋe ekyongom manman. <sup>6-7</sup>Yen Roma kapi ambolipŋe Yesu Kiristohât tem lâuwaŋgim

manñetgât Anitâñe wawaeyekmâ yâkât komolân torokatyehop. Yakât otmâ Awoñnenñe Anitâ otmu Kutdânenñe Yesu Kiristo yâkñe enñgatyetñeâk otmâ nâñgâyinñim tihityeñe otmutâ biwi nâñgân nâñgânyenñe hikuakmâ konohâk otmâ sânduk sâekgât nâñgâyinñim ulitgum gaman.

*Pauloñe Roma kapi ariwom nâñgâm biwinñe mem manop.*

<sup>8</sup> Topñe katmâ yuwu sâmunne nâñgâñet. Emelâk yeñe Yesu Kiristohât den pat âlepñe nâñgâñetâ bulâñe otmu yâkâlen biwiyeñe katmâ tem lâuwaññim gai yakât den pat yu lohimbi hânñan kulemñan manmâ arañe nâñgâñetâ âilonño otmap. Yakât otmâ Yesu Kiristohât wâtñan kinmâ yeñgât nâñgâm Anitâ Awoñne mepaem mansan. <sup>9</sup> Yawu otmâ manmâ Anitâñe âi sâm nihiop ya biwinñe tinñak kepeim pâku lohimbiñe yâkâlen biwiyeñe kepeim manñetgât ya yeñgâlen ari nanñahât den pat âlepñe ya ekyongomune nâñgâm biwiyeñan katñetâ bulâñe yâk yeñgâlen tetem gap. <sup>10-12</sup> Otmu dop yawuâk Roma kapi ambolipñe Yesu Kiristohâlen biwiyeñe tinñak kepeim manñetâ Anitâhât Wâtñan mâmâñahât Heakñe mâmâñe otyinñiâkgât nanñan. Yawu nâñgâm haonmâ ârândânñ “girawu otmâ takam yekbe” sâm Anitâ ulitguman. Yawu gârâmâ Anitâñe nâñgâñihimu yeñgâlen takawom yanâmâ biwinenñe kepeiakmâ konohâk otmu yan tânahom yâkâlen biwi nâñgân nâñgânnenñe tinñak kepeimunñe kârihem tatbuap. Yawu nâñgâm Anitâ ulitgum manmâ gan ya yâkñe nanñap.

13 Yawu otmâ pâku lohimbi kapi wosapâ me wosapâ mansai yâk yengâlen ari den kâsikum yingimune biwiyene Kiristohâlen katbi. Yakât dopneâk yengât bukulipyene nombotne Anitâhât topne ki nângâmaine Kiristohâlen biwiyene katnetgât yengâlen taka yâkât den pat âlepne ekyongowom. Yakât biwinañe hikuman yamâ mâtâpgât hâum pâpguman. 14-15 Lohimbi kerek ya yengâlen ari den pat âlepne ekyongomune nângâñetgât Anitâñe âi sâm nihiop. Yakât nângâm lohimbi nombotne pepa emetñan yâhâm nângân nângânyene orop mansai otmu nombotne pepa emetñan ki yâhâwi, otmu Girik lohimbi kapi tete manmâ nep âlâlâ tuhumi, otmu pâku lohimbi kâlepñehen me bârâ betñehen manmai, ya hârokne Yesuhât topne nângâñetgât nângâyingim mansan. Yakât otmâ Roma yengâlen taka den pat âlepne ekyongowe sâm biwine hewewen otmu mansan.

16-17 Bukulipne, Yesuhât den pat âlepñahât topne yuwu sâmune nângâñet. Lohimbi âlâ me âlâ, nen Yura lohimbi angoânâk den pat âlepne nângâm Kiristohâlen torokatbin, me yen pâku lohimbi den ekyongomunne yawuâk yâkâlen torokatbi, nen hârokne yâkâlen biwinenñane kepeim mannom yamâ Anitâñe tosanenñe pilâningim manman kârikñahât pat kuningiop yakât bulâñe menom. Anitâ Wâtgât Amboñe yâkâlen biwinenñane kepeim mannom yamâ ki hâum pâpgunom. Den yan yuñe emelâk poropete âlâñe den kulempuop ya miap. Den yamâ yuwu tap.

“Lohimbi âlâ me âlâñe Anitâhâlen biwiyenñane kepeim tem lâuwanñinomial yamâ manman

kârikņan mannomai.”

*Pâku lohimbi yengât topyeņe*

<sup>18</sup> Bukulipne, pâku lohimbi yengât nângâm den âlâ yuwu sâmunne nângâņet. Pâku lohimbi yengât topyeņeâmâ yuwu. Yâkņe bukulipyene otmu lohimbi wosaken me wosaken mansaiņe Anitâhât den nângâņetâ bulâņe otmap sâm den ya kurihim Anitâ betbaņgim orotmeme kiņgoņ otmâ mansai. Yakât otmâ Anitâņe pâku lohimbi betyongomu mansai yakât topņe ekyongomune nângâņet. <sup>19-20</sup> Kândik mindikum, Anitâņe ikņe wâtņan kinmâ hân himbim kândikyotgom wahap topņe topņe kalop yapâ gâtņane yâkât topņe ikņiâk tap ya kerek ekmâ nângâmai. Wahap topņe topņe kalop yan ikņe wâtņahât towatņe tetemu ekmai. Ekmâ tat tat memene kârikņe tatbaņgiap yawu nângâmai. Yawu nângâm Anitâ ki ekmain yamâ yâkņe wahap âlâlâ kalop yan ikņe topņe tetemu ekmai. Yakât otmâ Anitâhât topņe ki naņgain sâm irelaknomaihât dop âlâ ki tap. <sup>21</sup> Yawu gârâmâ Anitâņe wahap topņe topņe kalop yamâ lohimbi nombotņane yâkât bāt towatņe ekmâ yan ki ewe katmâ mepaemai. Yawu otmâ yaņak nângân nângânyene gulip malap otmu wahap tâņât me hâliņe bia yawuyakât nângâņetâ yahatmap. Yawu nângâm biwi nângân nângânyene maņguakmu nângâņetâ ki keterakmap. <sup>22</sup> Yawu gârâmâ nângân nângânnenņe orop mansain yawu sâm nângâm tâpikgumai. <sup>23</sup> Yawu nângâm tâpikgum Manman amboņe Anitâ yahat yahatņe yâk betbaņgimâmâ senņe âlâlâ topņe topņe, nâi seloņ, me soņgo bau, me hambe gumbam, umutyene

hâwiñetâ kundenyeñe tetemu ya mepaemai. Me Porom Lâpio yawuya yenğât umutyene hâwim kânâñğâñetâ kinmu yakât nâñğâñetâ bulâñe otmu mepaemai.

<sup>24</sup> Yawu otñetâ yakât Anitâñe betyongomu yeñe nâñğân nâñğânyeneâk watmâ yuwu otñetâ kiñgoñ otmap. Emet huhumai, me kâwâ konda otmai, me wahap ki orotñe otmai. <sup>25</sup> Yâhâ Anitâhât den bulâñe hâkâñ otmâ bet pilâm den perâkñe nâñğâñetâ bulâñe otmu Anitâ Hân Himbim Amboñe betbañgimai. Betbañgim ikñak wahap topñe topñe kalop yakât nâñğâñetâ yahatmu yanâk biwiyenâñe kepeim manmai. Yamâ nenâmâ yawu ki otnom. Nenâmâ Anitâ konok mepaem manmâ yâhânom. Ya bonñanâk.

<sup>26-27</sup> Yâhâ pâku lohimbijene manman kiñgoñ manñetâ Anitâñe yekmu bâlemu betyongomu yañak yeñe enğatyeneâk otmâ orotmeme kiñgoñ ya witgum yuwu otmâ manmai. Lohimbi miakmâ orowâk manmai orotmeme ya pilâmai. Yawu otmâ imbilipyenâñe loklipyene pilâyekmâ imbi bukulipyene orop ekñâleañgim otmâ hilipgumai. Otmu loklipyene gurâ yawuâk imbilipyene pilâyekmâ bukulipyene orop ekñâleañgim orotmeme kiñgoñ otmai. Yawu tâpik gupik otmâ manmai yakât huhopñe mesek topñe topñe teteyiñgimap.

<sup>28</sup> Otmu Anitâhât den bulâñe nâñğâñetâ nahat otmu betbañgim nâñğâm gulip manmai. Yakât otmâ Anitâñe betyongomu biwi nâñğân nâñğânyene gulip malap otmu orotmeme kiñgoñ me âlepñe ya ki ekmâ ketetmai. Yawu otmâ yan

orotmeme kiŋgoŋ otmâ manmai. <sup>29</sup> Orotmeme  
 kiŋgoŋ otneâk nâŋgâmai yamâ yuwu. Kâwâ  
 konda otmai. Me sen buhu buhu oraŋgimai. Me  
 bukulipyenŋe yengât iri sikum me senŋe âlâlâ  
 tatyinŋimap ya ekŋâlem mene sâŋ biwiyenŋe  
 nâŋgâmai. Me dewaeak dewaeak manmai. Me  
 wawi, me misiŋem nemai, me kâirahomai, me  
 nâŋgâm bâleŋgimai. Me ahom hionjakmai. Me  
 bukulipyenŋe yongoŋetâ mumai. <sup>30</sup> Me bukuhât  
 den belâŋgen sâsâ. Me sâŋ bâleŋgimai. Me âwâ  
 mâmâlipyenŋe yengât lauyenŋe ki lâumai. Yawu  
 otmai yan yenahât nâŋgâŋetâ yahatmu Anitâhât  
 nâŋgâŋetâ gemap. Otmu bukulipyenŋe yengât  
 yawuâk nâŋgâŋetâ gemu mem ge karakmai.  
 Otmu wuân me wuân kândikum otŋetâ dondâ  
 bâlewup yakât nâŋgâŋetâ biwiyenŋanâk kinmap.  
<sup>31</sup> Yawu otmâ hep torehenlipyenŋe, me imi ata,  
 me wârâ tou ya orop we âlep ki nanŋaŋgimai. Me  
 bukulipyenŋe orop den hikumai yamâ ki watmai.  
 Me tepyenŋe kou kâlâp semu kuk oraŋgimai yan  
 kaok ki oraŋgimai. Kuk yawuâk tatmâ yâhâekgât  
 den hâmeân hâluhu sâmai. Me lohimbi âlâ me  
 âlâŋe umatŋe kakŋan manmai ya ki yekmâ  
 nâŋgâyinŋimai. <sup>32</sup> Lohimbi âlâ me âlâŋe orotmeme  
 bâleŋe topŋe topŋe yawuya otmai yamâ hem  
 kâlâwân ge hiliwahonomai yakât Anitâŋe den sâŋ  
 kalop. Lohimbi den ya nâŋgâm heŋgenŋumainŋe  
 kunyenŋe kârikŋe otmâ orotmeme bâleŋe ya  
 tâtâemâk otmâ mansai. Yawu gârâmâ buku  
 nombotŋaŋe orotmeme bâleŋe yawu otmai yamâ  
 yekmâ heronŋe nâŋgâyinŋimai. Pâku lohimbi yengât  
 topyenŋeâmâ yawu.

## 2

### *Yura lohimbi yengât topyeje*

1-2 Yawu gârâmâ Yura lohimbi yengât nângâm yuwu ekyongomune nângânet. Pâku lohimbiñe orotmeme kiñgoñ otmâ manmai ya yengât manmanyene ya yeje ekñetâ bâlemu nângâm bâleyiñimai me sâmbâ hâreyiñimai. Yawu gârâmâ yâkñe otmai yakât dopñeâk yeje gurâ yawuâk otmai. Yakât otmâ yeje sâmbâ hâreyiñimai yakât dopñeâk Anitâñe yen gurâ sâmbâ hâreyiñiwuap. Yanâmâ yâkât senñan sâmbâ buiaknomaihât dop âlâ ki otbuap. <sup>3</sup> Pâku lohimbi nombotñe orotmeme kiñgoñ otmâ manmai yamâ Anitâñe sâmbâ hâreyiñim yakât matñe yingimap yañe ârândâñ otmap, yeje yawu nângâmai. Yawu gârâmâ lok âlâ me âlâñe bukulipyene yengât manmanyene ekmâ nângâm bâleyiñim sâmbâ hâreyiñimap yamâ bukulipyenane manman bâlene otmai yawuâk torokatmâ otmai. Yawu gârâmâ sâp patoen Anitâñe orotmeme kiñgoñ wuân me wuângât matñe umatñe yingiwuap yanâmâ lohimbi yawuya ki wangiyekebuap. Yamâ yingimu menomai yakâ. <sup>4</sup> Yakât otmâ yuwu ki nângânomai. “Anitâñe wawaenenekmâ kuk in yawu ki otmap. Me ki tepñe kou kâlâp semap. Yakât otmâ yâkñe ki den âiân katnenekmâ matñe umatñe ningiwuap,” yawu ki nângânomai. Yawu nângânomai yamâ nângâm hilipgunomai. Yakât topñe yuwu sâmune nângânet. Yeje orotmemeyene kiñgoñ ya bet pilâm Anitâhâlen biwiyenane kepeim manñetgât yâkñe wawaeyekmâ tihityene otbe

sâm mambotyngimap. Yene yakât nângâñetâ porap otmap.

<sup>5-6</sup> Nângâñetâ porap otmu kunyene kârikne otmâ betbangimai. Yawu otmâ orotmeme kiñgoñ yawuya torokatmâ otmâ mannomai yamâ sâp patoen Anitâñe lohimbi kerek nengât manmannenñahât matñe âlâku ikñiâk ikñiâk kâpekningiwuap. Sâp yanâmâ matñe âlâhât tipine yingimu menomai.

<sup>7-11</sup> Anitâñe Yura lohimbi me pâku lohimbi kerek nengât biwinenñe ekmâ konohâk menduhunenekmâ matñe dopnenñan tâñ tâñâk kâpekningiwuap. Otmu sâp patoen Anitâñe nângâningimu yahatmu ikne senñan koko salehâk kinmâ manman kârikñan mannom sâm lohimbi nombotñane yâkâlen biwiyenñe kepeim orotmeme âilongo longo otmâ manmai. Yawu otmai yamâ Anitâñe nângâyngimu yahatmu nan baralipne koko salek sâm manman kârikñahât bulâñe yingimu biwiyene huruñ sâwuap. Yâhâ lohimbi nombotñane yenahât nângâñetâ yahatmu tepyene umatñe otmu Anitâhât den kum manman kiñgoñ manmai. Lok yawuyamâ Anitâñe kuk otyingim matñe umatñe yingimu mem hâhiwin dondâ nângâmbisâi.

<sup>12-15</sup> Anitâñe Yura lohimbi me pâku lohimbi kerek nengât biwinenñe ekmâ otbin mewin yakât matñe tâñ tâñâk kâpekningiwuap yakât topñe sâmune nângâñet.

Anitâñe ikne nângân nângânñan tatmap ya Mose ekumu girem den âlâlâ kulemguop. Yakât otmâ Yura lohimbi âlâ me âlâñe girem den ya nângâm ki watmai yâhâmâ Anitâñe yekmu ki ârândân otmap.



Lohimbi âlâ me âlâņe girem den âlâlâ kerek lâum mansai yâhâmâ yekmu ârândâņ otmap. Yawu gârâmâ Yura lohimbi kerekņe girem den ya lâum hâum pâpgum tosa miai. Yakât otmâ Anitâņe den âiân katyekmâ matņe umatņe yingiwuap.

Yâhâ pâku lohimbi yâhâmâ Anitâņe girem den ya ki ekyongop. Yawu gârâmâ ki nâņgâm yeņahâk otmâ hilipgum tosa memai. Ya âlâkuâk torokatmâ otnomai yamâ yawuâk matņe umatņe yingimu menomai.

Yawu gârâmâ Anitâņe ikņe nâņgân nâņgân ya biwi nâņgân nâņgânyeņan katmu orotmeme âlepņe me orotmeme bâleņe yâhâp yâhâp ya ekmâ kiwili-mai. Yawu otmâ Anitâhât nâņgân nâņgân ya pâku lohimbi âlâ me âlâņe eņgatyenajak otmâ watmai yan girem den ekyongomu watmai yawu oap. Yâhâ yawu otņetâ ârândâņ otmap yan biwiyenę sânduk sâmap. Yâhâ otņetâ bâlemap yaņe biwi nâņgân nâņgânyeņan hâumu otmâ hilipguain sâm biwiyenęan nanęanęimai. <sup>16</sup> Yakât otmâ den pat âlepņe yakât pâņe konok yuwu sâmunę nâņgâņet. Hâmbâi mâne sâp pato tetewuawân Anitâņe sâmu Yesu Kiristone nen hârok biwinenęahât topņe ekmâ sâm hâreningim tihân otmain memai me biwinenęanâk nâņgâmain yakât matņe ya âlâku amboņan amboņan ningiwuap.

*Yura lohimbiņe yeņahât nâņgâņetâ yahalop.*

<sup>17</sup> Yâhâ Yura lohimbiņe yeņahât nâņgâņetâ yahatmu yuwu sâmai. “Nenâmâ Yura lohimbi. Emelâk Anitâņe nâņgâningimu yahatmu ikņe pat kuningiop. Yakât kakņan Mose ekumu girem den âlâlâ kulemguop yakât topņe nenęahâk

nângâmain. Yakât otmâ Anitâne tihitnenne otmu ikne komot bulâne mansain.” Yawu nângâm yenahât nângânetâ yahatmap. <sup>18</sup> Yâhâ yeñe yuwu me yawu otñetgât Anitâne sâm kalop yakât topne yuwu nângâmai. “Nenñeâmâ girem den yakât topne nângâm henñengum yañak benñe orotmeme bâleñe ya ekmâ ketetmâ orotmeme âlepñeâk otmain. <sup>19-20</sup> Yawu otmâ girem den ya nângâmunne biwinenñan hâumu manman bulâñahât mâtâp ya teteningimu tâñ tâñâk watmain. Yakât otmâ pâku lohimbine mâtâp ya ki nanñai yâhâmâ Anitâhât den kâsikum yinñimunne nângânomaihât dop tap. Me nombotñane girem den ya ki lâum manmâ mâtâp tâpikgumai yamâ tiripyongomunne mâtâp ya tâñ tâñâk watnomai. Me nombotñane ihilâk mahilâk manmai yamâ kuwikyekmunne âilonño mannomai. Me nombotñane nângânetâ ki keterakyinñimap yamâ ekyongomunne hañ sâyinñiwuap.” <sup>21</sup> Yeñe nângâm tâpikgum mâtâp ya tâñ tâñâk ki watmai. Yamâ topne girawuhât otmâ bukulipyene mâtâp ya watñet sâm den kâsikum yinñine sâm oai? Yâhâ lohimbine senñe âlâlâ kombo ki miangñet sâm ekyongomai. Yamâ wongât otmâ yeñe gurâ kombo miangñimai? <sup>22</sup> Me loklipyene me imbilipyene betyenehen ki kionñet sâm ekyongomai. Yamâ benñe yeñe gurâ buku nombotñe yengât imbilipyene orop ihilâk eknâleangñimai. Otmu kasalipyeneñe Porom Lâpio mepaemai ya eknâetâ dondâ bâlemap. Yamâ wongât yeñe gurâ yâk yengât opon kâmbukñan yâhâ Porom Lâpio tatmawân senñe âlâlâ kâmbukñe

sâm katmai ya kombo meyiŋgimai? <sup>23</sup> Anitâŋe Yura lohimbi nengât nâŋgâm girem den Mose ekumu kulenguop. Yeŋe yakât yawu nâŋgâm yeŋahât nâŋgâŋetâ yahatmap. Yamâ benŋe girem den ya loŋgâeŋetâ pâku lohimbiŋe yekmai yan Anitâhât nâŋgâŋetâ gemap. <sup>24</sup> Den yan yuŋe emelâk poropete âlâŋe den kulenguop ya miap. Den yamâ yuwu tap.

“Yura kapi ambolipŋaŋe orotmeme bâleŋe otmâ mansai. Yakât otmâ pâku lohimbiŋe Anitâhât nâŋgâŋetâ dondâ gemap.”

<sup>25</sup> Otmu yakât torokatmâ yuwu sâmune nâŋgâŋet. Anitâŋe Yura lohimbi nâŋgâyiŋgim manman âlepŋahât pat kuyiŋgiop yakât otmâ hâkyeŋe torehenŋan undip tuhuaŋgimai. Yawu tuhuaŋgim girem den tâŋ tâŋâk watmai yanâmâ Anitâŋe nâŋgâyiŋgimap. Yawu gârâmâ girem den ya kumai yanâmâ hâkyenŋan undip tap yakât nâŋgâm undip ki tuhuaŋgiwi yawu yekmu otmap. <sup>26</sup> Yawu gârâmâ pâku lohimbi yeŋgât sâm manman âlepŋahât pat ki kuyiŋgiop yakât otmâ hâkyeŋe torehenŋan undip ki tuhuaŋgimai. Yamâ Anitâŋe ikŋe nâŋgân nâŋgânŋambâ girem den ya Mose ekumu kulenguop. Yâhâ pâku lohimbiŋe girem den ya pâpgumai ya yeŋgât biwiyenŋan Anitâhât nâŋgân nâŋgân tatmap ya tâŋ tâŋâk watmai. Yanâmâ Anitâŋe yekmâ nâŋgâyiŋgimu hâkyeŋe torehenŋan undip tap yawu otmap. <sup>27</sup> Yura lohimbi hâkyeŋe torehenŋan undip tap yeŋe girem den sâlikum topŋe nâŋgâm heŋgengumai yamâ ki lâumai. Yakât otmâ pâku lohimbi hâkyeŋe torehenŋan undip ki tap yaŋe Anitâhât nâŋgân

nângân watmaiŋe sâp patoen yen mem den âiân katyekmâ sâm hâreyiŋginomai. <sup>28</sup> Yakât topŋe yuwu sâmune nâŋgâŋet. Anitâŋe lohimbi yengât nâŋgâm manman âlepŋahât pat kuyiŋgiop ya girawu yaŋe yakât bulâŋe menomai? Lok yaŋe imbiâk hâkyeŋe torehenŋan undip tuhuangim topyeŋe kurihiakmâ lohimbi senyeŋan kinmâ Anitâ mepaemai yâkŋe bulâŋe ya ki menomai. <sup>29</sup> Yâhâ Wâtgât mâmâŋahât Heakŋe lohimbi mem hewewenŋ tuhuyekmu Anitâhâlen biwiyeŋaŋe kepeim mansai yâkŋe bulâŋe ya menomai. Lohimbiŋe Anitâhâlen biwiyeŋaŋe kepeimai ya yengât nâŋgâyŋgimu ârândânŋ otmap. Yaŋeâmâ bukulipyenŋe nâŋgâyŋgŋetâ yahalâkgât ki nâŋgâmai.

### 3

#### *Anitâŋe Yura lohimbi kerek ki betyongop.*

<sup>1</sup> Kândikum emelâk Anitâŋe Yura nengât tâmbâlipnenŋe yengât nâŋgâyŋgimu yahatmu ikŋe pat kuyiŋgiop. Yakât otmâ hâknenŋe torehenŋan undip tuhuangim gamain. Anitâŋe nâŋgâningimap yakât topŋe yuwu tap. <sup>2</sup> Anitâŋe ikŋe den bulâŋe ya tâmbâlipnenŋe ekyongomu yakât amboŋe otbi. Yawu otmâ pâku lohimbi yengâlen ari yakât topŋe ekyongonŋet sâm yŋgiop. Sâm yŋgiop yaŋak sâp yiwerenŋe nen meneneksap.

<sup>3</sup> Yawu gârâmâ nengâlen gâtŋe kiŋgitŋe orowâkŋe Anitâhâlen biwiyeŋaŋe ki kepeim manmâ gai. Yawu otmâ gai yakât matŋe Anitâŋe nen Yura lohimbi kerek betnongowuap me bia?

<sup>4</sup> Yamâ bia kârikŋe. Yakât otmâ lohimbiŋe Anitâ

orop biwiyenjañe hikuakmâ konohâk otmu den hikuwi. Den ya kelanġatmâ âlâ sâmai, otmu nombotñe hârem pilâmai. Yawu gârâmâ yâkñe otmai yawu Anitâñe ki otmap. Den yan yuñe emelâk lok âlâñe den kulemguop ya miap. Den yamâ yuwu tap.

“O, Anitâ, nenñe otmunñe bâlemap yan den sâm hâreningirâ ekmunñe ârândân merândân otmap. Yakât otmâ lok âlâ me âlâñe nâñgâm bâlehihiñetâ ki bonñe otmap.”

<sup>5</sup> Yawu gârâmâ loġgât nâñgân nâñgân watmâ den yuwu ekyongomune ekñet. Nenñe otmunñe bâlewup yan Anitâñe den sâm hâreningimu lohimbijñe nâñgânñetâ sâtñe otmu mepaenomai. Mepaenomai yakât kakñan matñe umatñe ningiwuap yakât otmâ nâñgâm bâlewanġim imbiâk umatñe ningiap yawu sâmunñe ki ârândân otbuap.

<sup>6</sup> Yawu gârâmâ nenñe otmunñe bâlemap yan Anitâñe imbiâk matñe umatñe ningimap otmuâmâ sâp patoen biwinenñahât topñe nâñgâm den sâm hâreningimu ki ârândân otbuap. Yawu gârâmâ Anitâñe imbiâk mambiâk otningimap yawu ki nâñgânôm.

<sup>7</sup> Yâhâ nâñgân nâñgân âlâ yuwu ki nâñgânôm. Nenñe Anitâ orop biwinenjañe hikuakmâ konohâk otmu den hikuwin. Den yamâ nombotñe hârem pilânôm. Yawu gârâmâ nenñe otmain yawu Anitâñe ki otmap. Yâhâ nenñe den nombotñe hârem pilânôm yanâmâ Anitâñe ki betnongowuap yakât nâñgâm lohimbijñe mepaenomai. Anitâ mepaenomai yan topñe girawuhât otmâ den sâm hâreningim matñe ningiwuap? <sup>8</sup> Yâhâ

lohimbiŋe witgum mepaenjetgât nenŋe ihilâk otneâk nâŋgânom yamâ dondâ bâlewuap. Yawu gârâmâ lohimbi nombotŋaŋe imbiâk nâhât ihilâk otmunŋe bâleâkgât nâŋgâmap sâmai. Yawu sâm den haknan sâmai. Lohimbi nombotŋaŋe yawu nâŋgâmai yamâ hâmbâi sâp patoen Anitâŋe matŋe umatŋe yinŋimu menomai.

*Nen kerekŋe otmunŋe bâlemu tosa orop man-main.*

<sup>9</sup> Bukulipne, Anitâŋe Yura lohimbi nengât nâŋgâmu yahatmu pâku lohimbi yengât nâŋgâmu gemap me bia? Yamâ bia kârikŋe. Nen Yura lohimbiŋe pâku lohimbi yengât amutyenjan katnenekmu mansain. Yawu ki tap. Nenŋe yen pâku lohimbi orop orotmemenenŋe bâleŋe me manman kiŋgoŋ otmâ gain. Yakât otmâ nen kerekŋe matŋe menomgât pat mansain.

<sup>10</sup> Den yan yuŋe emelâk poropete nombotŋaŋe den kulemgawi ya miap. Den yamâ yuwu tap.

“Lohimbi kerekŋe koko salek me uwawapŋe bia ki mansain. <sup>11</sup> Nengâlen gâtŋe âlâ me âlâŋe Anitâhât nâŋgân nâŋgânŋe girawu tap ya ki nâŋgâm manmain. Me lok âlâ me âlâŋe Anitâ ki ewe katmâ mepaemain. <sup>12</sup> Otmu Anitâŋe mâtâp yuwuâk watmâ manŋet sâm katningiop yamâ lok kerekŋe tâpikgum mâtâp bâlejan manmâ gain. Yawu gârâmâ lok hârokŋe buku orangim uwawapŋe bia manomgât dop âlâ ki tap. <sup>13-14</sup> Otmu lok muŋetâ hanyongomunŋe tâtuk sâm hâkyeŋe korokŋe bâleŋe pilâmap yakât dopŋeâk lohimbi nombotŋaŋe den perâkŋe sâm

bukulipyene kâityongomai. Otmu hâ mewuk me soron hambene yawuyane ningimu mumain yakât dopneâk lohimbi yawuyane bukulipyene orop sâ m bângeimai. Me den bâlene hâiakmai. <sup>15</sup> Otmu lokne kapam kune sâ m in yawu tepyene kâlâp semu yahatmâ kapam kumai. <sup>16</sup> Otmu haonmâ ârandân bukulipyene yengât nângâm bângeim mem âlâlâ tuhuyekmâ manmanyene hilipgumai. <sup>17</sup> Yawu otmâ bukulipyene orop biwi nângân nângânyene ki hikuakmâ konohâk otmap. <sup>18</sup> Lohimbi yawuyane Anitâhât nângâm ki ewe katmai.” Topnenneâmâ yawu.

<sup>19-20</sup> Otmu Anitâhât den yakât topne yamâ yuwu. Yura lohimbi kerekne yakât den tem lâuwanjim mannehât girem den âlâlâ Mose ekumu kulemgup. Yawu gârâmâ nenne yakât girem den ya watmâ tem lâuwanjiman yamâ hâum pâpgumain. Yakât otmâ nenne pâku lohimbi orop yakât senjan kinmâ sâreareakmunne nenekmu ârandân otbuapgât dop âlâ ki tap. Yâhâ yakât girem den nângâmain yan biwinenjan hâumu tosa orop mansain sâ m nanngim anjolakmain.

*Kiristone manman bâlenjahât panjonâmbâ holanenehop.*

<sup>21</sup> Yawu gârâmâ Anitâne tosanenne pilâningim tihitnenne otmap yakât mâtâp âne teteop. Yakât topne nângâmunne keterakningiâkgât emet inânjan Mose otmu poropete lok nombotjane den kulemgowi. Yawu gârâmâ mâtâp âne yane girem den hânge ne orop ki lâuaksawot. Mâtâp âne yakât topneâmâ yuwu. <sup>22-24</sup> Nen Yura lohimbi otmu yen

pâku lohimbi dop konohâk mansain. Topnenne kâsiwahomunne ikñiâk ikñiâk otbuapgât dop ki tap. Nen kerekne otmunne bâlemu tosa orop manmain. Yawu manmunne Anitâne nenekmu ki ârândân otmap yawu nângâmain. Yawu gârâmâ Anitâne ikñahâk wawaenenekmâ Yesu Kiristo hângângumu ge sâreerenekmâ kawenennan kinmâ howanân kuñetâ muop. Yâkâlen biwinenjañe kepeim manmunne Anitâne nenekmu ârândân otmu Kiristone manman bâleñahât pañgonâmbâ holañnenehop.

25-26 Otmu yakât torokatmâ sâmune nângâñet. Emelâk embânân tâmbâlipnenjañe orotmeme bâleñe otmâ manbi yakât matñe Anitâne in yawu ki yingio. Yawu gârâmâ orotmeme bâleñe otminiwi yakât nângâmu dondâ bâleop yakât topñe tetekñan eknehât ikñe nanñe Yesu Kiristo hângângumu ge nengât toсахât otmâ muop. Yawu otmu biwinenñe yâkâlen katmunne Anitâne nengât kaok nângâñingim tosanenñe pilâningio.

27-28 Den ekyongoan yukât topñe yuwu sâmune nângâñet. Nennahâk otmâ Anitâhât girem den tâñ tâñâk lâum manmâ gamunne nenekmu ârândân otbuapgât dop tap me bia? Yawu bia. Yawu tap mâne nenñe hâknennñe mepaembâin. Yakât otmâ mâtâp konok tap yamâ yuwu. Yesu Kiris-tohâlenâk biwinenjañe kepeim manmunne Anitâne nenekmu ârândân otmap.

29 Yakât otmâ yuwu sâmune nângâñet. Anitâ Tihit tihit ambonjañe engat yâhâp ki otmap. Yawu otmâ nen Yura lohimbi otmu pâku lohimbi mâtâp ikñiâk ikñiâk ki sâm ningio. Yâhâmâ



tihitnenŋe otbe sâm menduhunenekmâ mâtâp konohâk sâm ningiop tap. <sup>30</sup> Yakât otmâ nen Yura lohimbi otmu pâku lohimbi orop Yesu Kiristohâlen biwinenŋaŋe kepeim manmain yanâmâ Anitâŋe nenekmu ârândânŋ otmap. <sup>31</sup> Yawu gârâmâ Moseŋe girem den âlâlâ kulempuop ya ki gulip olop. Yakât otmâ nenŋe biwinenŋe yâkâlen kepeim denŋe tem lâuwanŋim manmain yan girem den ya lâumunŋe nengâlen bulâŋe tetemap yawu oap.

## 4

*Awarahamŋe Anitâhâlen biwiŋaŋe kepeim manop.*

<sup>1</sup> Nengât tâmbânenŋe âlâ, kutŋe Awaraham sâm, yâkŋe manman girawu manmu Anitâŋe ekmu ârândânŋ olop ya ekâm nâŋgâne. <sup>2</sup> Awarahamŋe ikŋahâk otmâ manman âilonŋo manmu yakât Anitâŋe ekmu ârândânŋ olop mâne ikŋahâlâk nâŋgâmu yahatbâp. Yawu gârâmâ ikŋahât ki nâŋgâmu yahalop. <sup>3</sup> Yakât topŋe Moseŋe kulempuop ya yuwu tap.

“Anitâŋe Awarahamgât pat sâm kuwanŋiop ya Awarahamŋe nâŋgâm yâkâlen biwi nâŋgân nâŋgânŋaŋe kepeim biwi yâhâp ki otmâ manop. Yawu otmâ manmu Anitâŋe biwiŋe ekmu ârândânŋ olop.”

<sup>4</sup> Yakât yuwu sâmune nâŋgâŋet. Nenŋe âi tuhum manmain yakât hâmeŋe sâm tewetsenŋe ningimai. Yâhâ tewetsenŋe ningimai yan “Âo, tewetsenŋe yiŋgiain yuâmâ tep âlep nâŋgâm in kâsikum yiŋgiain,” yawu ki sâmai. Âi tuhumain yakât

hâmeŋe sâŋ tewetsenŋe ningimai. <sup>5</sup> Yâhâ Anitâŋe yeŋe otmai yawu ki otmap. Lok âlâ me âlâŋe nengât tosa pilâningiâk sâŋ Anitâhâlen biwiyenŋe kepeim manmai ya yeŋgât biwiyenahât topŋe nâŋgâm tosayeŋe pilâyinŋimap. Yâhâ lok nombotŋeŋe nenŋahâk yu ya tuhunom yakât matŋe tosanenŋe pilâningiwuap yawu sâmai yamâ ki nâŋgâyinŋimap. Topŋe yawu tap.

<sup>6</sup> Otmu tâmbânenŋe Dawitiŋe yakât topŋe nâŋgâop yamâ yuwu. Anitâŋe nengât orotmeme bâleŋe me âlepŋe ya ki ekmâ ketetmâ yakât dopŋan matŋe kâpekningimap. Yawu otmâ lok âlâ me âlâŋe biwiyenŋe yâkâlen katŋetâ tatmap ya yeŋgât nâŋgâyinŋimu ârândân otmap. Lohimbi yawuyaŋe heronŋe kakŋan manmâ otbi mewi yakât ki gorâyinŋiwuap. Dawitiŋe yawu nâŋgâm yan den kulemguop yamâ yuwu tap.

<sup>7</sup> “Lok âlâ me âlâŋe orotmeme bâleŋe otminiwi ya yeŋgât tosa Anitâŋe pilâyinŋim yakât ki nâŋgâwuap. Lohimbi yawu yaŋeâmâ biwi heronŋe nâŋgâmai. <sup>8</sup> Yawu manmunŋe Anitâŋe matŋe umatŋe ki ningiwuap nâŋgâm heronŋe kakŋan mannomai.”

<sup>9</sup> Yâhâ heronŋe kakŋan manmâ yâhânomai yakât Dawitiŋe kulemguop yamâ Yura lohimbi nen konok meneneksap me bia? Yamâ bia. Yen pâku lohimbi orop heronŋe kakŋan mannomgât kulemguop. Yakât otmâ Awarahamŋe olop yakât den pat Moseŋe kulemguop ya yâhâpŋe ekne. Yamâ yuwu tap.

“Anitâŋe Awarahamgât pat kuwaŋgiop ya nâŋgâm biwi nâŋgân nâŋgânŋe Anitâhâlen

kepeim biwi yâhâp ki otmâ manop. Yawu otmâ manmu Anitâñe ekmu ârândân olop.”

<sup>10</sup> Yâhâ Awarahamñe girawu olop yakât Anitâñe ekmu ârândân olop? Iknjak hâkñe torehenñan undip tuhuahop yakât otmâ Anitâñe ki ekmu ârândân olop. <sup>11</sup> Anjoân hâkñe torehenñan undip ki tuhuahop yan Anitâñe pat kuwañgiop yakât nângâm biwi nângân nângânñañe yâkâlen kepeim biwi yâhâp ki olop. Yawu otmu Anitâñe ekmu ârândân olop. Ekmu ârândân olop yakât kakñan yakât nelâmnohomap sâh hâkñe torehenñan undip tuhuahop. Yakât topñe yuwu sâmune nângânjet. Awarahamñe hâkñe torehenñan undip ki tuhuahop yan Anitâñe biwiñe ekmu ârândân otmu pat kuwañgiop. Yakât otmâ pâku lohimbî hâkyeñe torehenñan undip ki tuhuangim mansaiñe Anitâhâlen biwiyenñañe kepeim manñetâ yekmu ârândân otmap. Yakât otmâ emelâk Awarahamgât pat kuwañgiop ya yawuâk kuyiñgimu yâkât sen mansai. <sup>12</sup> Otmu Yura lohimbî hâknene torehenñan undip tuhuangimain nengu Awarahamñe olop yawuâk otnom otmuâmâ Anitâñe nengât nângâmu Awarahamgât sen bulâñe otbuap.

<sup>13</sup> Yâhâ Anitâñe girem den Mose ki ekumu kulemgup yan Awarahamñe biwiñe yâkâlen kepeim manop. Yawu manmu Anitâñe ekmu ârândân olop. Yakât otmâ hân himbim kândikyotgowân wahap topñe topñe katmu yapâ tetem sambe sambe oap ya galemgum yâhâmbisâi sâh Awaraham otmu yâkât sen orowâk kuningiop. <sup>14</sup> Yakât topñe yuwu sâmune nângânjet. Anitâñe Awarahamgât pat kuwañgiop

yakât bulâñe mene sâñ nennahâk yu ya otmâ menomgât dop talop mâñe Anitâñe pat kuwañgiop ya hârem pilâmbâp. Yakât otmâ Anitâhâlen biwi nâñgân nâñgânnennañe kepeim tem lâuwañgim manbâingât mâtâp biatbâp.

<sup>15</sup> Yâhâ lohimbi kerekñe nennahâk Anitâhât den lâum pâpgumain. Yawu torokatmâ mannom yakât matñe Anitâñe kuk otningim matñe ningimu menom. Yawu gârâmâ Anitâñe girem den ki sâñ kalop mâñe, ki tatbâpgât otmâ ki kumbâin. Yawu gârâmâ lohimbi kerekñe lâum pâpgum gamunñe bâleop.

<sup>16</sup> Awarahamñe Anitâhâlen biwiñañe kepeim manmu ekmu ârândâñ otmu pat kuwañgiop. Yawu gârâmâ nenñe yawuâk Anitâhâlen biwinennañe kepeim mannom yakât emet inânñan ikñe engatñeâk otmâ nengât sâñ pat ya torokatmâ kuningiop. Pat yakât bulâñe biatningimapgât nenñe biwinennañe Anitâhâlen kinmap me bia ya ikñak ekmâ nâñgâmap. Otmu girem den lâumain me ki lâumain yakât ki nâñgâmap. Topñe yuwuhât nen Yura lohimbi otmu pâku lohimbi orop biwinennañe yâkâlen kepeim Awarahamgât sen bulâñe mansain. Yakât otmâ pat kuwañgiop yakât bulâñe hâmbâi menom. <sup>17</sup> Yakât otmâ Anitâñe Awarahamgât pat kuwañgim yuwu sâñ ekuop.

“Nâñe lohimbi komotñe komotñe gâhât sen sâñ katyekmune nâñgâhhiñetâ yahatbuap.” Den yawu tap.

Awarahamñe biwiñe Anitâhâlen tiñâk kepeim manmu ekmu ârândâñ olop yakât otmâ pat kuwañgiop ya ki hârewañgiwuap. Pat ya tetewuap yakât emet inânñan nâñgâm kuwañgiop. Yakât

otmâ ikṅak nâṅgâop ya yawuâk tetem henṅeuop. Otmu Awarahamgât pat kuwaṅgiop ya nengât torokatmâ kuningiop ya menomgât lohimbi kerek mumuṅambâ mem yahatnenekbuap. <sup>18</sup> Yakât Anitâṅe Awaraham ekuop ya yuwu tap.

“Gâhât biwihambâ kâu pato kândâkdâṅe hurunduṅ sânomai.”

Yawu sâṁ ekumu nâṅgâmu bulâṅe otmu ya tetenihiâk sâṁ biwiṅaṅe kepeim biwi yâhâp ki otmâ manminiop. Yawu manop yakât otmâ Yura lohimbi me pâku lohimbi nen kerekṅe yâkât sen bulâṅe mansain. <sup>19</sup> Yâhâ Awarahamgât yambu 100 otbomâk otmu yan Anitâṅe pat kuwaṅgim den hikuop. Yawu otmâ naom membâwâtgât dop yamâ emelâk wangimu kâsi manmâ gaowot. Yawu manoworâke yamâ Awarahamgât biwiṅe ki giop. <sup>20-21</sup> Yawu manmâ Anitâhât den yakât nâṅgâṁ biwi yâhâp ki otmâ manmâ gaop. Anitâṅe pat kuwaṅgiop yakât bulâṅe mem tetenihiwuap sâṁ biwiṅaṅe yâkâlen kepeim kârikṅe otmâ manminiop. <sup>22</sup> Yawu nâṅgâṁ manminiop yakât Anitâṅe ekmu ârândâṅ olop. <sup>23</sup> Anitâṅe den Awaraham ekuop yamâ yâkât konok nâṅgâṁ ki sâop. Nen Awarahamgât sen bulâṅe mansain nen kerek nengât sâop. <sup>24-25</sup> Anitâṅe Kutdânenṅe Yesu âi sâṁ waṅmâ hâṅgâṅumu ge tosanenṅahât otmâ sârerenenekmâ kawenenṅan kinmu kasalipnenṅaṅe kuṅetâ muop. Yakât nâṅgâṁ nenṅe Anitâhâlen biwinenṅaṅe kepeim manmunṅe nenekmu ârândâṅ otbuap nâṅgâṁ Kutdânenṅe Yesu mumuṅambâ mem yahalop.

## 5

*Anitâje kaok nângâningimap yakât nângâm heronje otbisâin.*

<sup>1</sup> Kutdânenne Yesu Kiristone tosanenjahât otmâ muop yâkâlen biwinenjahe kepeim manmunne Anitâje nenekmu ârândâŋ otmu kaok nângâningimap yamâ topne yuwu. <sup>2</sup> Anitâje ikne engatjeâk otmâ tihitnenne otbe sâm Yesu Kiristo hângângumu ge muop. Mum yahatmâ nenne Anitâ orop mannomgât mâtâp âiŋe mem teteningim yâkâlen yâhâop. Yawu olop gârâmâ nenne biwinenjahe yâkâlen kepeimunne Anitâje tihitnenne otmu manmain. Yâhâ yâk orop himbimân mannom yakât nângâm heronje otmâ biwinenjahe kepeim manmâ yâhânom. <sup>3-4</sup> Yawu gârâmâ biwinenjahe Kiristohâlen kepeim manmunne lok nombotjahe nângâm bâleningim mem âlâlâ tuhunenekmai. Yawu tuhunenekmaiâke yamâ benne biwinenjahe ki orotok sâmap. Yakât otmâ Anitâje nenekmu ârândâŋ otmu orowâk himbimân mannomgât pat kuniŋiop yakât bulâje menom nângâm mannom. <sup>5</sup> Yawu manmunne Anitâje wawaenenekmâ ikne Wâtgât mâmâjahât Heak hângângumu ge biwinenjahe mem hewewenjuhumu yâkât wâtjan manmâ yâhâm bulâje menom.

<sup>6</sup> Yâhâ nen lok bâlene nenjahâk tânahom pat yakât bulâje menomgât dop âlâ ki tap. Yakât otmâ bulâjahât pâpgumaingât Anitâje Kiristo kawenenjan kinmâ mumbuap sâm sâp kalop ya ekmu ârândâŋ otmu hângângumu ge nengât sâm muop. <sup>7</sup> Yakât topne nângânetâ keterahâkgât

nenjan hâum yuwu sâmunen nângânet. Bukunenne âlâne tânnongom uwawapne bia manmap ya kasalipnane taka kune sâm otnomai yanâmâ nenjan gâtne lok âlâne bukunenjahâlângen otmâ nângâmu herone otmu sârerem kinmu kujetâ mumbuap. Yâhâ bukunenne âlâne girem den ya tân tânjâk watmap yamâ kalemne orop ki manmap. Yâhâ kasalipnane taka kune sâm otnomai yanâmâ nen kerekne yâkâlingen otmâ ki sârerenom. “Otmâp ambone ikjahâk sârearahâk,” sânom. <sup>8</sup> Yawu gârâmâ nenne bukulipnenne otyingimain yawu Anitâne ki otningimâp. Nenne otmunne bâlem gaop yan tosa orop manminiwin yan Anitâne wawaenenekmâ ikne nanne Kiristo hângângumu ge sârerenehop. Sârereneekmâ kinmu kujetâ muop yan Anitâhât biwine ekmain. <sup>9-10</sup> Yâhâ nenne embânân manmâ gawin yan Anitâ betbangimunne nângâm bâleningimu manbin. Yawu gârâmâ nanne hângângumu ge kawenenjan kinmu kujetâ muop. Kujetâ muop yâkâlen torokatmunne Anitâne nenekmu ârândân otmu kaok nângâningiop. Yawu otmâ buku otningim Kutdânenne mumunambâ mem yahalop. Yakât otmâ manman kârikjan katnenekmu orowâk manmâ yâhâmbisâin. Yakât nângâmune uruk uruhâk otmâp. <sup>11</sup> Otmu Kutdânenne Yesu Kiristohâlen biwinenjan kepeimunne Anitâne buku otningiop yawu nângâm mepa sanjan otbangim herone kakjan mannom.

*Aramne Anitâhât den kuop yakât huhopne mumu teteop.*

12 Yawu gârâmâ embânâmbâek orotmeme bâleŋe otminiwi yakât matŋe mum gaminiwi. Yakât topŋe yuwu sâmunne nânġâŋet. Tâmbânenŋe Aramŋe Anitâhât den kum otmâ hilipguop yakât matŋe Anitâŋe mumuhât pat kuwaŋgiop. Yawu otmu yapâek orotmeme bâleŋe torokatmâ otmâ gaŋetâ gaŋetâ sâp yiwerenŋe yuâmâ nen kerekŋe yawuâk otmâ gain. Yakât otmâ mumuhât pat mansain. 13-14 Yâhâ embânân Aramŋe Anitâhât den ya loŋġem otmâ tâpikguop. Otmu yapâek Anitâhât nelâm yongomu enġatyenêak watmâ otŋetâ bâleminiop yakât huhopŋe mum gara gara otbi. Yawu gârâmâ Anitâŋe ġirem den âlâlâ Mose ki ekumu kulemguop yan yawu otbi. Yawu otbi otmu Aramŋe kândikum Anitâhât den kum otmu bâleop ya orop ki lâuahowot, yawu nânġâmain.

Yâhâ den sâm aran yukât topŋe nânġâŋetâ keterahâkgât Aram yet Yesu Kiristo yetġât sâwe. 15 Yâk yetġât topyetŋe ikŋiâk ikŋiâk yakât otmâ manmangât mâtâp yâhâp tiripnongowot. Âlâ yuwu. Aramŋe otmâ tâpikguop yapâek lohimbî kerekŋe orotmeme bâleŋe otmain. Yawu otmâ mumuhât pat manmâ gain. Otmu benŋe âlâmâ yuwu. Anitâŋe ikŋe enġatŋeak otmâ tihitnenŋe otmâ manman kârikŋahât pat kuningiop yakât topŋe ikŋiâk tap. Yakât bulâŋe meŋet sâm Yesu Kiristonŋe nânġâningim ge lohimbî kerek nengât sâm muop. Yakât otmâ yâkâlen biwinenŋaŋe kepeim manmunŋe menenekmu ikŋe orowâk manmâ yâhâmbisâin. Yakât nânġâmune uruk uruhâk otmap.

16-17 Otmu Aram yet Yesu Kiristo yetġât



manman bulâñe yamâ ikñiâk ikñiâk oap. Aramgât yan yakâlâk sâwe. Aramñe Anitâhât den loñgâem otmâ tâpikguop yanâk yakât matñe “mumbuap” sâm hârewañgiop yapâek mumu yu teteop. Yâhâ Yesu Kiristoñe âwâñahât denñe tem lâuwañgim nengât tosanenñahât otmâ kawenenñan kinmu kuñetâ mum yahalop. Yâkâlen biwinenñañe kepeimunñe Anitâ Awonñenñañe nâñgâningim lok kiñgitñe orowâk tosanenñe pilâningiop. Pilâningim ikñahâk tihitnenñe otmu orowâk manman kârikñan mannom.

*Kiristoñe manman kârikñahât mâtâp meningiop.*

18-19 Yakât otmâ yuwu nâñgânom. Anjoân Aramñe Anitâhât den loñgâem otmâ tâpikguop yapâek lohimbi kerekñe orotmeme bâlenje otmâ gawi. Yakât otmâ Anitâñe Aramgât “mumbuap” sâm hârewañgiop. Yakât dopñeâk munomai sâm den sâm hâreyiñgiop. Topñe yawuhât nen mumuhât pat manmâ gain. Yawu gârâmâ Yesu Kiristoñe âwâñahât denñe tem lâuwañgim kawenenñan kinmu kuñetâ mum yahalop. Yâkâlen biwinenñañe kepeimunñe manman bâlenñahât pañgoñâmbâ menenekmâ manman kârikñahât pat kuningiop.

20-21 Anitâñe girem den âlâlâ Mose ekumu kulemguop yakât yuwu sâmune nâñgâñet. Anjoân Anitâñe ikñe nâñgân nâñgân lohimbi biwiyenñan kalop ya ki watmai. Lohimbiñe yeñe enñatyeneâk watmâ otñetâ bâlem gaop. Yawu gârâmâ girem den âlâlâ Mose ekumu kulemguop ya otmâ hilipguminiwin yakât sâlikum nâñgâmunñe topnenñe tetemu añulakbin. Añulakmâ yan

mumuhât pat otbin yakât nângâmunje biwinenje giop. Yakât otmâ biwinenje dondâ gemu bâlemain sâm Anitâje ikje engatjeâk otmâ Yesu Kiristo hângângumu ge manman kârikjahât mâtâp meningiop. Yakât otmâ nenje yâkâlen biwinenjañe kepeimunje âwâñañe nenekmu ârândân otmap. Yawu otmâ manman kârikjahât kapiân yâhâmunje orowâk manbisâin.

## 6

*Manman bâleje bet pilâwin ya âlâkuâk ki mi-wirikum mannom.*

<sup>1</sup> Den ekyongoan yukât topje yuwu ki nângânom. “Yesu Kiristone sârerenenekmâ kawenenjan kinmu kuñetâ muop. Yakât otmâ Anitâje nenekmu ârândân otmu haonmâ ârândân tosanenje pilâningimap. Tosanenje yawu pilâningim yâhâwuap nângâm orotmeme bâleje ya witgum otmâ yâhânom.” Yawu nângâmain yamâ nângâm hilipgumain. <sup>2</sup> Mâtâp yawuya âlâ ki tap. Emelâk Kiristohâlen biwinenje katmâ manman bâleje bet pilâwin ya girawuhât otmâ miwirikum witgum otmâ mannom. Ya ki orotje. <sup>3</sup> Yakât topje teteâkgât den âlâen hâum sâmune nângâñet. Kiristo kuñetâ mumu hanguwi. Yâhâ yâkâlen biwinenjañe tiñâk kepeiwin yan manmannenje hângije ya biatningimu Kiristone muop yakât dopjeâk toen katnenekbi. <sup>4</sup> Anitâ Wâtgât Amboñe ikje wâtñambâ Kiristo mumuñambâ mem yahalop yakât nângâmunje âlâ kândâkdâ otmap. Otmu yakât dopjeâk mâmâñe otningimu manman âiñe mem denje tem lâuwangim mannehât

nângâmap. Yakât otmâ Kiristohâlen torokatmâ manmannenŋe bâlene bet pilâwin ya girawuhât otmâ miwirikum witgum otmâ mannom. Ya ki orotŋe.

<sup>5</sup> Nenŋe Kiristohâlen biwinenŋaŋe hikuakmâ konohâk otmâ mansain. Yakât otmâ Kiristoŋe manmanŋe ki alitmâ muop yakât dopŋeâk manmannenŋe hângiŋe ya pilâwin. Yawu gârâmâ Anitâŋe Kiristo mumuŋambâ mem yahalop yakât dopŋeâk sâp pato tetewuawân mumuŋambâ mem yahatnenekmu Kiristo orowâk biwinenŋaŋe hikuakmâ konohâk otmu mannom. <sup>6-7</sup> Yawu gârâmâ nenŋe otmâ hilipgumunŋe Anitâŋe nâŋgâm bâleningiâkgât Bâleŋahât Amboŋe, Satanŋe mem lohotŋe tuhunenekmap. Yawu gârâmâ nen munom yan yâkŋe mem lohotŋe tuhunenekmu otmunŋe bâlewupgât mâtâp ki tetewuap. Yakât otmâ yuwu nâŋgâmain. Sâp yiwerenŋe yu Satanŋe mem lohotŋe tuhunenekmu hoŋ bawangim otmunŋe bâlemap yakât mâtâp ya biatningiâk sâm Kiristoŋe manmanŋe pilâm howanân kuŋetâ muop. Yakât dopŋeâk manmannenŋe hângiŋe pilâwin. <sup>8</sup> Yawu otbin yaŋak Kiristoŋe mumuŋambâ yahatmâ manman âiŋe mem tatmap yâkâlen biwinenŋaŋe kepeim mansain. Yakât otmâ manman yawuya haŋgalakmâ orowâk manbisâin, yawu nâŋgâmain. <sup>9-10</sup> Yâhâ Yesu Kiristoŋe muowân lohimbi kerek nengât orotmeme bâlene yakât matŋe mem tosanenŋe pilâningiop. Yawu otmâ Anitâŋe mumuŋambâ mem yahalop. Yahatmâ tap gârâmâ Mumuhât Amboŋe Satangât amutgen ki manmâ yâhâpŋe mumbuap. Ya bia kârikŋe. <sup>11</sup> Otmu yakât dopŋeâk nenŋe Mumuhât Amboŋe

Satan betbangim Anitâ konok mepaem denne tem lâuwangim mannehât Yesu Kiristone âwâjahâlen yâhâmu orowâk tawot.

<sup>12</sup> Nenne Yesu Kiristohâlen biwinenñaje kepeim mansain. Yakât otmâ biwinenñambâ nângân nângân bâlene âlâlâ tetewuap ya bet pilâm Manman Bâleñahât Amboje ki hoñ bawanginom. <sup>13</sup> Yawu otmâ yan nângân nângân ya ki watmâ otmâ hilipgunom. Yawu gârâmâ emelâk hiliwahonomgât pat otbin ya Anitâne hârem manman kârikñahât pat kuningiop. Yakât otmâ yâkât wâtñan kinmâ hoñ bawangim tâñ tâñâk mannom. <sup>14</sup> Anitâne ikne engatñeâk otmâ wawaenenekmâ girem den âlâlâ papatolipnenñaje yeñe engatyeneâk watmâ kulemguñetâ ya lâuminiwin yapâek holañnenehop. Holañnenekmâ mâmâñe otningimu tem lâuwangim orotmeme bâlene ki miwirikum Bâleñahât Amboje hoñ bawanginom.

*Manman Âleñahât Amboje Anitâ hoñ bawanginom.*

<sup>15</sup> Girem den âlâlâ ya tâñ tâñâk watnomgât dop ki olop. Yakât otmâ Anitâne ikne engatñeâk otmâ wawaenenekmâ yapâ holañnenehop. Yawu otningiopgât otmâ nenñe ihilâk mahilâk manmâ ki gorâningiwuap nângânôm me? Yamâ bia. <sup>16</sup> Nenne lok âlâ me âlâhât amutgen manmain yamâ hoñ bayingimain. Yakât otmâ yeñe orotmeme bâlene tâtâemâk otnomai yanâmâ Bâleñahât Amboje hoñ bawanginomai. Yakât matñe Anitâne betyongomu ge hiliwahonomai. Yawu gârâmâ yeñe Anitâhât den tem lâuwangim

orotmeme âlepņeâk otmâ mannomai yanâmâ yekmu ârândâņ otbuap. <sup>17-18</sup> Topņe yuwuhât Anitâ mepaeman. Kândikum emelâk yeņe orotmemeyeņe bâleņe otmâ manmâ Bâleņahât Amboņe hoņ bawaņgiminiwi. Yawu gârâmâ Yesu Kiristohât den pat âlepņe nâņgâņetâ bulâņe otmu tiņâk kepeim tâņ tâņâk lâuwi. Yâhâ Bâleņe Amboņahât paņgoņâmbâ Anitâņe holaņyekmu yapâek hoņ bawaņgim gamai. Yakât nâņgâm Anitâ mepaeman. <sup>19</sup> Yâhâ den umatņe sâm aran yu topņambâek ekyongoan mâne in yawu ki nâņgâm heņgeņgumbâi. Yakât otmâ topņe tipiņe nâņgâņetâ keterahâkgât lok nenņe orotmemenenņan hâum ekyongoan. Yakât ki nâņgânihiņetâ bâlewuap. Kândikum emelâk orotmeme bâleņe otne sâm kendaņgim girem den hârohâk longâeminiwi. Yawu gârâmâ sâp yiwerene yuâmâ orotmeme âlepņeâk otmâ tânahom mannomai.

<sup>20</sup> Kândikum emelâk Bâleņahât Amboņe hoņ bawaņgim orotmeme bâleņe otminiwi yan orotmeme âlepņe yakât ki nâņgâminiwi. <sup>21</sup> Yâhâ sâp yiwerene yuâmâ otbi mewi yakât nâņgâm aņulakmâ mansai. Emelâk otbi yamâ bulâņe wuân menom nâņgâm ya otbi? Orotmeme bâleņe ya witgum otmâ mansaiņe hiliwahonomai. <sup>22</sup> Yawu gârâmâ Yesu Kiristone bâleņahât paņgoņâmbâ holaņyekmu Anitâhâlen biwiyeņeņe tiņâk kepeim hoņ bawaņgimai. Yakât bulâņe yamâ Anitâņe yekmu ârândâņ otmap. Otmu hâmbâi manman kârikņan mannomai. <sup>23</sup> Yakât topņe yuwu sâmune nâņgâņet. Lohimbi âlâ me âlâņe Bâleņahât Amboņe hoņ bawaņgim orotmeme bâleņe otmai yakât matņe ikņe orowâk hiliwahonomai. Yawu gârâmâ An-

itâñe ikñe engatñeâk wawaenenekmâ Kutdânenñe Yesu Kiristo hângângumu ge mum yahalop. Yawu olop gârâmâ lohimbi âlâ me âlâñe yâkâlen bi-wiyenñe kepeim mannomai yamâ meyekmu orowâk manmâ yâhâmbisâi.

## 7

### *Lohimbiñe miakmai yan hâum sâop.*

<sup>1</sup> Bukulipne, yuwu sâmu nângâñet. Papatolipnennñe yeñe engatyeneâk watmâ girem den topñe topñe ekyongominiwi ya lâum manmunñe nenekñetâ ârândân otmap. Yawu gârâmâ munomân mâtâp yañe biatbuap. Yakât topñe yeñe emelâk nângâm henñeguwi. <sup>2-3</sup> Yakât otmâ den âlâen hâum sâmune nângâñet. Lohimbi miakmai yan papatolipnennñe girem den âlâ yuwu ekyongomai. Imbi yañe ikñe engatñeâk otmâ lokñe pilâm ari lok ondrop ki membuap. Yawu gârâmâ imbi yañe lokñe tatbuap ya pilâm lok ondrop orop ari manbuap yanâmâ lokñe betñehen kionmâ girem den ya loñgâeap sânomai. Yâhâ lokñe bâlemu manmâ imbi kambut yañe lok âlâ ari membuap yanâmâ girem den ya ki loñgâewuap. <sup>4</sup> Den hâum yan yukât topñe yuwu tap. Yesu Kiristonje nengât sâmu muop yan papatolipnennñe yeñe engatyeneâk watmâ girem den ekyongonñetâ kulemgugi ya pesuk sâop. Yakât otmâ yâkâlen biwinennñe kepeiwin yanâmâ girem den âlâlâ yañe yawuâk pesuk sâningiop. Yakât otmâ Kiristonje mumuñambâ yahalop yâk orop biwinennñe hikuakmâ konohâk otmu yâkât wâtñan kinmâ Anitâ hon

bawaŋgim manmain. <sup>5-6</sup> Otmu torokatmâ sâmunê nâŋgânet. Anŋoân papatolipnennaje yeŋe enŋatyeneâk watmâ girem den topŋe topŋe ya tâŋ tâŋâk lâunomai sâm ningiwi. Yamâ benŋe girem den lâum pâpguminiwin. Lâum pâpguminiwin yan biwinennambâ nâŋgân nâŋgân bâleŋe âlâlâ teteminiop. Yakât otmâ girem den ya nâŋgâmunŋe biwinenŋan hâunenekminiop. Biwinenŋan hâunenekmu tepnenŋe yahatmu otneâk nâŋgâm Mumuhât Amboŋe hoŋ bawaŋgiminiwin. Yâhâ Kiristone yapâ holaŋnenekmu Anitâhât Wâtgât mâmâŋahât Heakŋe mem hewewenŋ tuhunenekmu Anitâ hoŋ bawaŋgimain.

*Girem den nâŋgâmunŋe biwinenŋan hâumap.*

<sup>7</sup> Papatolipnennaje yeŋe enŋatyeneâk watmâ girem den âlâlâ ekyongominiwi yapâ Kiristone holaŋnenedop yan biwinenŋe hewewenŋâk otmu Anitâ hoŋ bawaŋgimain. Yakât otmâ Anitâŋe girem den Mose ekumu kulemguop yakât bâleŋe sânom me? Yawu ki sânom. Mosehât girem dengât topŋe nâŋgâmain yan orotmemenenŋe bâleŋe yakât topŋe keterakningimap. Yâhâ “Lok âlâ me âlâŋe bukulipyenŋe yengât imbilipyenŋe ki yekŋâlem ihilâk otnomai,” girem den ya ki nâŋgâwan mâne otmâ hilipgumbâm yakât biwinan ki hâunekmu keteraknihimbâp. <sup>8</sup> Yawu gârâmâ girem den ya nâŋgâmunê biwinan hâuop yan yu ya topŋe topŋe ihilâk otmune bâleminiop. Yâhâ girem den ya ki nâŋgâwan mâne orotmemene bâleŋahât topŋe ki tetem heŋgeŋgumu ekbâm. <sup>9</sup> Anŋoân girem den ki kâsikum nihiwi yan biwine sânduk sâmu lohotŋan manban. Yawu gârâmâ bukulipyenŋe

yengât imbilipyene me iri sikumyene ki ekñâlem ihilâk otñet sâam eknohowi. Girem den yawu tap yakât nângâwan yan biwinambâ nângân nângân bâlene topne topne tetemu tepne yahatmu otbeâk nângâminiwan. <sup>10</sup> Yakât otmuâmâ nenne orotmemenenne bâlene bet pilânehât Anitâne girem den kalop yañe biwinan hâunekmu ihilâk otbehât nângâm yan hiliwahowomgât pat otban. <sup>11</sup> Girem den ya nângâmune biwinan hâunehop yan Kâitgu kâitgu Amboñe, Satanñe orotmemene bâlene otminiwan yañe mem mete tuhunihimu biwine dondâ giop. <sup>12</sup> Yawu gârâmâ Anitâne ikñe biwi nângân nângânñambâ girem den âlâlâ Mose ekumu kulemguop yañe ki bâleop. Otmu yakât torehenne âlâ ki tâpihahop. Anitâne ya kerek ekmu ârândân olop. Yawu nanñan.

<sup>13</sup> Yakât topne nângânñetâ keterahâkgât ninan hâum sâamune nângânñet. Yuwu mon sâamune yan ki ârândân otbuap. “Girem den yamâ âlepñe. Yawu gârâmâ ya nângâmune biwinan hâunekmu biwine dondâ giop.” Yawu ki nângâwom. Wuânñe mem bâlenekmu biwine giop yakât yâhâpñe sâamune nângânñet. Girem den ya nângâmune biwinan hâunehop yan orotmeme bâlene otminiwan yakât nângâmune hañ sânihimu biwine giâkgât Kâitgu kâitgu Amboñe Satanñe ya mem mete tuhunihi-miniop. Yawu otmâ girem den yañe orotmeme-nenñahât topne mem tetekñan tuhumu ekmain.

<sup>14</sup> Girem den yamâ Anitâne ikñe biwi nângân nângânñambâ Mose ekumu kulemguop ya nângâmain. Yawu gârâmâ lok topnenñeâmâ yawu bia. Nenâmâ biwi nângân nângânñenñambâ



manman bâleŋe topŋe topŋe tetemu otmâ Bâleŋahât Amboŋe Satan hoŋ bawanŋimain. <sup>15</sup> Yâhâ nâŋe otman meman yakât nâŋgâmune ki dopŋan otmap. Orotmeme bâleŋe ki otbom yawu sâman yamâ benŋe ihilâk ihilâk witgumâk otman. Yâhâ orotmeme âlepŋe otbeâk nâŋgâman yamâ otbe sâm pâpguman. <sup>16</sup> Yawu gârâmâ orotmeme bâleŋe bet pilâwan ya âlâkuâk ki otbom yawu sâman yamâ benŋe otman. Yawu otman yanâmâ girem den yaŋe biwinan hâunekmap. Yakât otmâ girem den yakât nâŋgâmune âlepŋe otmap. <sup>17</sup> Yâhâ otmune bâlemap yan nine enŋatneâk ki otman. Nâŋgân nâŋgân bâleŋe biwinan tatmâ tetemap ya watmâ otman. <sup>18</sup> Yakât otmâ wuân âlepŋe biwinan tatmap? Yawuya âlâ ki tap. Yakât otmâ nâŋe âlepŋe otbeâk nâŋgâman yamâ hâum pâpguman. <sup>19</sup> Hâum pâpgum yan ki otbom sâman ya otmune bâlemap. <sup>20</sup> Yâhâ ki otbom sâman ya otmune bâlemap yanâmâ biwinambâ nâŋgân nâŋgân bâleŋe tetemap ya otman. Yamâ nine enŋatneâk ki otmâ tâpikguman. <sup>21</sup> Yakât otmâ yuwu nâŋgâman. Lok topnenneâmâ bâleŋe dondâ. Yawu tap yakât otmâ orotmeme âlepŋe otbe sâm otman yanâk biwinambâ nâŋgân nâŋgân bâleŋe tetemu otmune bâlemap. <sup>22</sup> Yâhâ Anitâhât den biwinane kepeim lâuwe sâm otmâ manman. <sup>23</sup> Yawu gârâmâ lok biwinenŋambâ nâŋgân nâŋgân bâleŋe âlâlâ tetemap yakât otmâ Anitâhât den lâuwe sâm otmune hâi hâiŋe otmu otmâ tâpikguman. <sup>24</sup> Yakât nâŋgâmune biwine dondâ gemap. Yawu gârâmâ lok nenŋe biwi nâŋgân nâŋgannenŋe ya watmâ hiliwahomaingât âlâŋe yapâ menenekbuap?

25 Yamâ Yesu Kiristo. Yâkņe hiliwahombângât mâtâwâmbâ menenehop. Yakât otmâ Anitâ mepaembisâin.

Yâhâ den sâam aran yukât topņe yuwu nângânom. Lok topnenņe yamâ bâleņe. Yakât otmâ biwinenņambâ nângân nângân bâleņe topņe topņe tatmâ tetemu yan Bâleņahât Amboņane otņet sâam biwinenņan kioņmap. Biwinenņan kioņmap yanâmâ nenņe wâtnenņanâk kinmâ Anitâhât den lâum hoņ bawaņgim hâum pâpgumain. Yawu gârâmâ Kiristohât wâtņan konok kinmâ hoņ bawaņginomgât dop tap.

## 8

*Wâtgât mâmâņahât Heakņe mâmâņe otningimu manmain.*

1-2 Yakât otmâ yuwu sâamune nângâņet. Nenņe Yesu Kiristohâlen biwinenņe kepeimain yanâmâ Anitâhât Wâtgât mâmâņahât Heakņe mâmâņe otningimu yaņak Bâleņe Amboņahât amutgen ki manmain. Yawu manmâ ari hiliwahonomgât mâtâp ya pilâm manman kârikņahât mâtâp ya watmain. Yawu otmâ Kiristo orop biwinenņane hikuakmâ konohâk otmu manmain nenâmâ Anitâņe den âiân ki katnenekmâ sâam hâreningiwuap. 3-4 Yakât yuwu sâamune nângâņet. Lok biwinenņeâmâ bâleņe. Yakât otmâ biwinenņambâ nângân nângân bâleņe topņe topņe tetemu yan girem den ya lâune sâam hâum pâpgum tosa orowâk manminiwin.

Yawu otminiwin yakât Anitâņe ikņe nanņe hângângumu ge girem den yakât bulâņe

nengâlen teteâk sâ m lok otmâ sâre renenekmâ nengât kawenennan kinmu kuñetâ muop yan tosanennahât matñe miop. <sup>5-8</sup> Yamâ yuwu sâ mune nâ ngâñet. Anitâ orop biwinennañe hikuakmâ konohâk otmu manman kârikñahât pat kuningiop. Otmu Wâtgât mâmâñahât Heakñe biwinennan kionmâ mâmâñe otningimu yapâ biwi sânduhân manmâ hoñ bawañgimain. Yâhâ lok nombotñane biwiyenambâ nâ ngân nâ ngân bâleñe tetemap ya otne sâ m biwiyene kilik kilik sâ mu mansai. Lok yawuyane Anitâhât hâkâñ otmâ betbañgim biwiyene kârikñe otmâ manmai. Yawu otmâ mannomai yamâ Anitâñe yekmu ki ârândâñ otmu hiliwahonomai.

<sup>9-10</sup> Lok yawuya Kiristohât Wâtgât mâmâñahât Heakñe biwiyenan ki kionmâ mâmâñe otyingimu yañak Kiristohât pat ki mansai. Yawu gârâmâ yenâmâ yawu bia. Yâhâ biwiyenambâ nâ ngân nâ ngân bâleñe âlâlâ tetemap ya nâ ngâm bet pilâmai. Yakât otmâ Anitâhât Wâtgât mâmâñahât Heakñe biwiyenan kionmâ mâmâñe otyingimu Kiristohâlen biwiyenane tiñak kepeim manñetâ Anitâñe yekmu ârândâñ otmâ. Yâhâ hâmbâi munomai yanâmâ tosayenahât matñe umut biwiyene ki hiliwahowuap. <sup>11</sup> Yawu otmâ Wâtgât mâmâñahât Heakñe mâmâñe otyingimu manmâ yâhânomai yan Anitâñe yekmâ Kiristo mumuñambâ mem yahalop yakât dopñeâk yen gurâ mumuñambâ mem yahatyekbuap.

<sup>12</sup> Bukulipne, Anitâñe yuwu otmâ mannom sâ m ningiop. Wâtgât mâmâñahât Heak yâkât wâtñan kinmâ Anitâhât tem lâuwanginom. <sup>13</sup> Yawu manmunñe biwinenambâ nâ ngân nâ ngân bâleñe âlâlâ

tetemap ya bet pilâm tem lâuwaŋgim mannom yanâmâ manman kêrikŋan katnenekbuap. Yawu gârâmâ biwinenŋambâ nâŋgân nâŋgân bâleŋe âlâlâ tetemap yakâlâk nâŋgâm otmâ hilipgum yâhânom yakât huhopŋe yamâ hiliwahonomgât pat mannom.

<sup>14</sup> Yakât yuwu sâmunne nâŋgâŋet. Nenŋe Anitâhât denŋe tem lâuwaŋgim yâkât Wâtgât mâmâŋahât Heakŋe biwi nâŋgân nâŋgânnenŋe mem pâroŋ pilâningiâk nâŋgâmain yamâ Anitâŋe nenekmu ârândânŋ otmu nanne baratne bulâŋe sâm menenekbuap. <sup>15-16</sup> Otmu nenŋe Kiristohâlen biwinenŋe katbin yan Anitâŋe ikŋe Wâtgât mâmâŋahât Heak hâŋgângumu ge biwinenŋan kioŋmu ki kiŋgitnenŋahât otmâ manmain. Yâhâmâ mâmâŋe otningimu Anitâhâlen torokatmunŋe nanne baratne sâm menenehop. Yakât nâŋgâm “Awoŋnenŋe, sâm nâŋgâwaŋgimain. <sup>17</sup> Anitâŋe ikŋe nanŋe Kiristo hâŋgângumu gemu lohimbi belâŋen manbiŋe mem âlâlâ tuhunetâ sâtgum muop. Yâhâ nenŋe yâkât tem lâuwaŋgim manmunŋe yâk otbaŋgiwi yakât dopŋeâk mem âlâlâ tuhunenekŋetâ mannom. Yawu mannom yanâmâ Anitâŋe himbimân nanŋe orowâk tatdomawotgât pat kuwaŋgiop yakât bulâŋe nen gurâ menom. <sup>18</sup> Hâmbâi sâp patoen bulâŋe menom yanâmâ hânân yuân umatŋe topŋe topŋe teteningimu manmain ya biatmu yakât nelâm nongowuap.

*Sâp patoen Anitâŋe manman âilonŋoân katnenekbuap.*

19-21 Embânân Aram yet Ewane otmutâ bâleop yakât matņe Anitâņe hâhiwin kakņan mandomawot sâam yitgiop. Otmu hânân âli wahap topņe topņe tap ya hârohâk sait kakyenân pilâop. Yawu gârâmâ hâmbâi sâp patoen Kiristone âwurem gewuawân Anitâņe nanne baratne sâam menenemâ manman âilonņoân katnenekbuap. Yanâmâ emelâk sait kakyenân pilâop ya biatmu âli wahap topņe topņe tap yuņe âilonņoâk tatmâ yâhâwuap ya emelâk sâam kalop. <sup>22-23</sup> Yakât topņe nâņgâņetâ keterahâkgât den âlâen hâum sâwe. Imbilipnenņe naom mene sâam naomņe hâliakmu hâhiwin nâņgâm tatmâ belângen memai. Yakât dopņeâk hânân âli wahap topņe topņe tatmâ arap otmu nen orowâk hâhiwin kakņan mansain. Yakât otmâ sâp patoen Anitâņe nanne baratne sâam menenemâ hâknenņe âiņe ningimu manman kârikņahât pat yakât bulâņe menehât nâņgâm mansain. Yâhâ manman kârikņahât pat yakât bulâņe ya ki menom sâam biwi yâhâp otmaingât Anitâņe Wâtgât mâmâņahât Heak hâņgângumu ge mâmâņe otningimap yakât bulâņe nombotņe nengâlen teteap yamâ yuwu. Buku oranņim biwi sânduhân manmain, me Anitâhât denņe tem lâuwanņimain, bulâņe yawuya.

<sup>24</sup> Yâhâ emelâk biwinenņe Kiristohâlen katbin yan manman kârikņahât pat yakât bulâņe hâmbâi menom yakât biwinenņe mem manmain. Yawu gârâmâ bulâņe ya kerehâk teteop mâne ya mene sâam biwinenņe ki mem manbâin. <sup>25</sup> Yawu gârâmâ bulâņe hâmbâi menomai sâam eknongowi ya mene sâam biwinenņe tiņâk mem manmâ

yâhânôm.

<sup>26-27</sup> Yâhâ lohotņe otmunņe biwinenņe gemapgât Wâtgât mâmâņahât Heakņe mâmâņe otningimu biwinenņe ârândâņ otmap. Yakât yuwu sâmunē nâņgâņet. Nenņe Anitâ ulitgunom sâm kalop. Yawu gârâmâ wuân me wuân teteningiwuap yan ulitgumunņe nâņgâmu ârândâņ otbuap yakât topņe ki nâņgâm heņgenņumain. Yawu gârâmâ Anitâņe biwinenņahât topņe nâņgâmap. Yawu gârâmâ yâkât biwiņan nâņgân nâņgân âlâlâ tatmap ya ikņe Wâtgât mâmâņahât Heakņe nâņgâm biwinenņan mem katmu ya sâm tetem Anitâ ulitgumain.

*Anitâņe tihitnenņe otmâ yâhâwuap yakât ki gorâningiwuap.*

<sup>28-30</sup> Lohimbi âlâ me âlâņe Anitâhâlen biwiyenņe kepeim tem lâuwanņimai yâhâmâ hân himbim ki kândikyotgop yapâek manmanyenņahât topņe nâņgâop. Manmanyenņahât topņe nâņgâm ikņe nanņahât dop otņet sâm ikņan torokatyekmâ nanņe ya yenņgât kunyene tatbuapņgât sâm kalop. Ya yenņgât nâņgâm sâm kalop yamâ meyekmap. Meyekmâ yan nâņgâyinņimu ârândâņ otmu himbimņgât pat kuyinņimap ya kârikņe tatmâ yâhâwuap. Ya ki biatbuap. Yakât otmâ Anitâhâlen biwinenņe kepeimain nenņgât tihitnenņe otmâ mâmâņe otningimap. Yakât otmâ umatņe topņe topņe teteningimawâke yamâ biwi sânduhân manmain.

<sup>31</sup> Den sâm aran yukât topņe yuwu nâņgânôm. Anitâņe mâmâņe otningimu manman âlepņan manmain. Yakât otmâ lok âlâ me âlâņe mem ge

katneneknomaihât dop âlâ ki tap. <sup>32</sup> Anitâņe wawaenenekmâ ikņe nanņe hângângumu ge kawenennan kinmâ mumbuap yakât nâņgâm ki alilop. Yawu otmâ wawaenenehop yakât nâņgâm tihitnenņe otmâ yâhâwuap yakât ki gorâningiwuap. <sup>33</sup> Nenņe yâkâlen biwinenņe katmunņe nenekmu ârândân otmu nanne baratne sâm menenekmu manmain. Yakât otmâ lok âlâ me âlâņe den âiân katneneknomaihât dop âlâ ki otbuap. <sup>34</sup> Yâhâ Yesu Kiristoņe nengât kawenennan kinmâ muop. Mumu Anitâņe mumuņambâ mem yahatmu himbimân yâhâmu âwâņe orop tatmâ nengât sâm ulitgumap. Yakât otmâ lok âlâ me âlâņe ki mem ge katneneknomai. <sup>35</sup> Yesu Kiristoņe wawaenenekmâ tihitnenņe otmap. Yakât otmâ umatņe topņe topņe teteningimu hâmbiņ gumbiņ manmain sâp yan biwi sânduhân katnenekmâ ki pâpgumap. Me po teteningimap yan gurâ tihitnenņe otmâ ki pâpgumap. Me Kiristohât den pat âlepņe nâņgâņetâ gemu bet pilâmaiņe mem âlâlâ tuhunenekmai yan gurâ sârerenenekmâ ki pâpgumap. Me kapam tetemu nongone sâm otmai yan biwinenņe gemap sâm mâmâņe otningim ki pâpgumap. <sup>36</sup> Yâhâ umatņe topņe topņe teteningimap yuwuyaņe emelâk Anitâhât lohimbi ya yeņgâlen teteop yakât lok âlâņe den kulemguop ya yuwu tap.

“Kutdâ, gâhât tem lâuhihim manmunņe kasalipnenņe hilipnongone sâm watnenekmâ mem âlâlâ tuhunenekņetâ sâtgum mansain.” <sup>37</sup> Den yawu tap yakât yuwu nâņgânom. Umatņe topņe topņe

teteningiwuap yan Kiristohât wâtņan kinmâ kârikņeâk manmâ yâhânom. <sup>38-39</sup> Anitâņe wawaenenekmap. Yakât otmâ Kutdânenņe Yesu Kiristo yâkâlen biwinenņane tiņâk kepeim mannom yanâmâ umatņe topņe topņe teteningiwuap ya yawuâk wawaenenekbisâp. Yakât yuwu sâwe. Umatņe kakņan manmâ yâhâm munom yan menenekbuap. Me weke bâleņane mângâenenekne sâm otnomai yan watyekbuap. Me aņelo âlâ me âlâņe mem ge katnenekne sâm otnomai yan nenekmâ tihitnenņe otbuap. Me lok kutdâlipnenņane mem bâlenenekne sâm otnomai yan sârerenenekbuap. Me umatņe âlâlâ yiwerenņe teteningiwomap me gâmâlâk teteningiwuap yan gurâ mem âlepņan katnenekbuap. Me hân kâlehen tai me ewan himbimân tai me wosapâ wosapâ taiņe mem ge katnenekne sâm otnomai yan gurâ Anitâņe yawuâk tihitnenņe otmâ yâhâwuap. Yawu nâņgâm biwi yâhâp ki otman.

## 9

*Anitâņe Awarahamgât pat kuwanņiop ya ki biat-buap.*

<sup>1</sup> Bukulipne, nâmâ Kiristo orop biwinetņe hikuakmâ konohâk oap. Wâtgât mâmâņahât Heakņe biwine ekmu ârândâņ oap yawu biwinane naņgan. Yakât otmâ den sâman yuâmâ bulâņanâk ekyongoman. <sup>2-5</sup> Yakât otmâ nen Yura lohimbi topnenņe sâm tetem ekyongomune nâņgâņet. Kândikum emelâk Anitâņe lok komotņe komotņe



ya yengât biwiyene ekmâ mem sâlipyongop. Mem sâlipyongop yamâ Awaraham, nanje Isaka, sesene Yakop, hâkuje Yura, yu yengât senâmbâ tetem sambe sambe otjetâ ikje lohimbî bulâne sâmbâ tihityene otminiop. Yawu otmâ honj bawaŋe hânġângumu ge manman âlepŋan katyekbuap yakât pat kuyiŋgiop. Pat kuyiŋgim yâk orop den hikum girem den âlâlâ ekyongop. Yawu otmâ iknahâk hohetyeŋan ge manbuap yakât selep tuhuwaŋim mepaenjetâ nânġâmu ârândânġ olâkgât orotmeme topŋe topŋe sâmbâ yinġgiop. Yawu manmâ gaŋetâ gaŋetâ yâk yengât senâmbâ gâtŋe, imbi âlâ, kutŋe Maria, yâkâlen Anitâne Yesu Kiristo hânġângumu gemu miop. Yakât otmâ Anitâ Hân Himbim Amboŋe mepaem yâhâmbisâin yamâ bulânġanâk. Yawu gârâmâ kapilipne kiŋgitŋe orowâkŋe Kiristohât hâkânġ otmâ mansai. Yakât otmâ kâlâpġât pat mansai. Yawu otmâ manŋetâ nânġe biwinanġe ki orotŋe nânġâyinġiman. Anitâne betnohomu hiliwahomune yâk meyekmâ nâhât welâmnan mem katyekbuapġât mâtâp tap mâne âlepŋe sâmbâm. Den ekyongoan yuâmâ bulânġanâk. Nânġe tosayeŋahât otmâ kaweyeŋan kinmâ mumbomġât mâtâp tap mâne yawu otbâm.

<sup>6</sup> Yawu gârâmâ embânġan Anitâne Awarahamġât pat kuwaŋgiop ya ki biatbuap. Yawu gârâmâ Isirae lohimbî nombotŋanġak Anitâhât lohimbilipŋe bulâne manmâ gai. Yakât topŋe yuwu sâmbâ nânġânġet. <sup>7</sup> Anitâne yuwu sâmbâ Awaraham ekuop.

“Gâhât sen yamâ nange Isaka yâkâlebâ tetem sambe sambe otmâ pat kuhihiwan yakât bulâne menomai.” Yawu sâmbâ ekuop.

8-9 Yâhâ kândikum den ya ki ekuop yan Awaraham yet Sara yuwu sâm teteyitgiop.

“Hombaŋ kakŋan âwurem takawom yan imbihe Saraŋe naom membuap.”

Yawu sâm pat kuyitgiop yakât bonŋe yuwu. Sara ikŋak naom miop yâkât sen yamâ Anitâhât lohimbi bulâŋe otmâ pat kuwaŋgiop yakât bulâŋe menomai. Yâhâ Sara potŋe Hahaŋe naom miop yâkât sen yaŋeâmâ pat yakât bulâŋe ya ki menomai.

<sup>10</sup> Otmu torokatmâ sâwe. Isakaŋe imbi miop yamâ kutŋe Leweka. Yâhâ Lewekaŋe naom boho yâhâp meyelehop, kutyetŋe Esau yet Yakop. <sup>11-12</sup> Yâhâ Anitâŋe ikŋe eŋgatŋeâk watmâ otmâp yakât topŋe teteâkgât yuwu sâmune nâŋgâŋet. Lewekaŋe irak meyelekbe sâm otmu Anitâŋe yuwu sâm ekuop.

“Ataŋaŋeâmâ imiŋe hoŋ bawaŋgiuwap.” Yawu sâop.

Yakât otmâ yuwu nâŋgânom. Olowot miowot ya Anitâŋe ki nâŋgâm ikŋe eŋgatŋeâk otmâ imiŋe, kutŋe Yakop, yâkât senâmbâ gâtŋaŋe ikŋe lohimbi bulâŋe otmâ Awarahamgât pat kuwaŋgiop yakât bulâŋe menomai sâm kalop. <sup>13</sup> Sâop yawuâk teteyiŋgiopgât Anitâŋe poropete âlâ den ekumu kulemguop ya yuwu tap.

“Yakop sen ya yeŋgât nâŋgâmune yahatsap. Gârâmâ Esau sen yamâ hâkâŋ otmâ betyon-gowan.” Yawu ekuop.

<sup>14</sup> Anitâŋe yawu otyiŋgiop yakât yâkŋe otmâ hilipguop yawu ki nâŋgânom. <sup>15</sup> Yakât yuwu sâmune nâŋgâŋet. Emelâk Isirae lohimbiŋe otrjetâ

dondâ bâleop yakât Anitâņe nâņgâm bâleyiņgim yuwu sâm Mose ekumu kulemuop.

“Lohimbi otņetâ dondâ bâleap. Yakât otmâ nine eņgatneâk otmâ kâsipyongom nombotņe hilipyongowom. Yâhâ nombotņe âlâmâ yekmâ tepne nâņgâyiņgim umam sâyiņgiwom. Yamâ nâhât wahap.” Yawu sâm ekumu kulemuop.

<sup>16</sup> Yakât topņe yuwu sâmune nâņgâņet. Lohimbi âlâ me âlâņe otņetâ bâlemap yan Anitâņe matņe yiņgiwe sâm otmap yan lohimbi ya yeņgât biwiyenęe ki watmâ otyiņgimap. Me wuân me wuân otningi sâm ulitgumai ya yeņgât lau ki watmâ otyiņgimap. Yâku ikņe nâņgân nâņgân ya konok watmu ârândâņ otmap. <sup>17</sup> Yakât topņe yuwu tap. Embâņân Anitâņe Aihita lohimbi yeņgât kunyeņe pato, kutņe Parao sâm, den ekumu Mosenęe kulemuop ya yuwu tap.

“Gâņe kunge kârikņe otmâ betnohowuat. Yawu otnihirâ sâmune umatņe topņe topņe lohimbilipge yeņgâlen teteyiņgimu hâhiwin nâņgânomai. Yanâmâ nâhât wâtne ekņetâ âlâ kândâkdâ otbuap. Ekņetâ yawu otbuap yakât den pat sâm haņ tuhņetâ hânņan kulemņan arimu nâņgâm mepaeneknomai. Yakât otmâ yâk yeņgât kunyeņe sâm katgeksan.” Mosenęe den yawu kulemuop tap.

<sup>18</sup> Yakât topņeâmâ yuwu. Lok âlâ me âlâņe otņetâ bâlemap yan Anitâņe kâsipyongom ikņe eņgatņeâk otmâ nombotņe yekmâ mem lohotņe tuhuyekmap. Yâhâ nombotņe âlâmâ betyongomu yeņahâk hiliwahonomai.

*Anitâņe den eknongop ya ki kakņan sânom.*



otmâ nen Yura lohimbi nombotje otmu pâku lohimbi nombotje mem menduhunenekmu yâkâlen biwinenjaŋe kepeim mansain. Yâhâ ikŋe biwiŋahât topŋe tetemu ekmâ mepaenehât ikŋahâk wawaenenekmâ umam sâningim nenekmu ârândâŋ olop. Yawu gârâmâ hâmbâi sâp patoen yâk orop himbimân tatmâ heronje kakŋan manmâ yâhânongât emelâk sâm kalop. <sup>25</sup> Yakât otmâ nen Yura lohimbi otmu pâku lohimbi Anitâŋe menenekmu biwi konohâk otmâ mansain. Den yan yuŋe emet inânŋan poropete âlâ, kutŋe Hosea sâm, yâk ekumu kulemguop ya miap. Den yamâ yuwu tap.

“Lohimbi hâkâŋ otmâ betyongomune nâhât pat ki mansai yamâ wawaeyekmâ nine nanne baratne sâm meyebom. <sup>26</sup> Otmu emelâk hân tâmbâen manbi yan yekmâ yeŋe nine pat ki mannomai sâm betyongowan. Yamâ hâmbâi meyebom yan “Anitâ Manman Amboŋahât nanŋe baratŋe bulâŋe,” sânomai.” Den yawu tap.

<sup>27-28</sup> Otmu poropete âlâ, kutŋe Yesaia, yâkŋe emet inânŋan Isirae lohimbi yeŋgât yuwu kulemguop.

“Isirae lohimbi dopnennjeâmâ saru sâtŋan sak ekmain dop yawu mansain. Yawu gârâmâ nengâlebâ lohimbi kiŋgitŋe orowâkŋe Anitâ kutdânenŋahât hâkâŋ otmâ denŋe ki tem lâuwangimai. Yakât otmâ sâp kâlep ki otmuâk yâk yeŋgât sâm hâreyiŋgim hilipyongowuap. Hilipyongowuawân lohimbi getek âlâŋeâmâ hâmenenŋe kinbuap.”

<sup>29</sup> Otmu yakât den nombotje âlâ yuwu

kulemguop.

“Nengât sen âlâkuâk tetem sambe sambe otnomaihât Anitâ Hân Himbim Amboŋaŋe itit kiom tuhuningim nen kerek ki mem gulip tuhunenehop. Yâhâ nen kerek mem gulip tuhunenehop mâne emelâk Sotom Gomora ambolipŋe kerek hilipyongomu kapi kâwurumŋaŋak kinop yakât dopŋeâk teteningimbâp.” Yawu kulemguop.

*Yura lohimbiŋe Anitâhâlen biwiyenŋe ki kepeiminiwi.*

<sup>30</sup> Den sâm aran yukât topŋe yuwu nâŋgânôm. Pâku lohimbiŋe Anitâŋe yekmu ârândâŋ olâkgât ki nâŋgâminiwi. Yawu gârâmâ yâkât den pat âlepŋe nâŋgâm yâkâlen biwiyenŋe kepeim manŋetâ yekmu ârândâŋ otmap. <sup>31</sup> Yawu gârâmâ nen Isirae lohimbi Anitâŋe nenekmu ârândâŋ olâkgât nâŋgâm girem den lâune sâm pâpguminiwin. Yakât otmâ nenekmu bâleop. <sup>32-33</sup> Nenŋeâmâ aŋgoân girem den lâum pâpgum Anitâhâlen biwinenŋe ki kepeiminiwin. Nenŋahâk girem den lâum pâpguminiwin. Yakât otmâ Anitâŋe otningiop yakât nâŋgâm Kiristohât dop kum kâlân hâum sâwe. Anitâŋe mâtâwân kât kârikŋe katmu tatmap yan nengâlebâ lohimbi kiŋgitŋe orowâk yongomap. Yawu otmâ gai yan poropete âlâŋe den kulemguop yakât bulâŋe tetem gap. Den yamâ yuwu tap.

“Yuwu nâŋgâŋet. Yerusalem kapi Sion pumŋan tap yan kât âlâ katmune tatmap yan kapi ambolipŋe yengât kâiyenŋan teŋ sâwuap. Kâiyenŋan teŋ sâm yongomu ki ekmâ nâŋgâm inâk arinomial. Otmu lohimbi âlâ me âlâŋe ya ekmâ

yâkâlen biwiyenaje kepeim mannomai ya yengâlen bulâne tetemu biwiyenê dopñan otbuap.”

## 10

*Yura lohimbi otmu pâku lohimbi kutdâyenje Yesu konohâk*

<sup>1</sup> Bukulipne, yuwu sâmunê nângânet. Biwinaje yawu nângâman. Nine kapilipnaje Kiristohâlen biwiyenaje kepeim manñetâ Anitâne manman kârikñahât pat kuyiñgiâkgât nângâm ulitgum manman.

<sup>2</sup> Yawu gârâmâ kapilipnaje Anitâhât mâtâp girawu tap yakât pâinmâ tem lâuwangine sâm biwiyenaje hukum mansai yakât topñe emelâk nângâwan.

<sup>3</sup> Yâhâ Anitâne nenekmu ârândân olâkgât mâtâp ya ekñetâ ki keterakyiñgimâp. Yakât otmâ yenje engatyeneâk otmâ mâtâpğât hâum pâpgumai.

<sup>4</sup> Yâhâ girem den lâum manmâ gawi yakât bulâne yamâ Kiristo. Yakât otmâ lohimbi âlâ me âlâne yâkâlen biwiyenaje kepeimai yamâ Anitâne yekmu ârândân otmap.

<sup>5</sup> Yawu gârâmâ Anitâne Yura lohimbi nenekmu ârândân otbuap yakât emelâk Mosenje den âlâ kulemgup ya yuwu tap.

“Lohimbi âlâ me âlâne girem den ya tâñ tâñâk watnomaineâmâ manman kârikñan mannomai.”

Yawu gârâmâ lohimbi yawuya âlâ ki tap. <sup>6-7</sup> Yâhâ lohimbiñe Kiristohâlen biwiyenaje kepeinjetâ Anitâne yekmu ârândân otbuap yakât Mosenje den âlâ yuwu kulemgup tap.

“Biwiyeŋaŋe yuwu ki nâŋgânomai. “Anitâŋe nenekmu ârândâŋ olâkgât bulâŋe himbimân ewan tatmap. Yawu gârâmâ lok âlâŋe himbimân yâhâ mem gewuapgât dop âlâ ki tap.” Otmu âlâ yuwu ki nâŋgânomai. “Âo, bulâŋe yamâ hân amutgen tatmap. Lok âlâŋe yaken ge mem gawuapgât dop gurâ ki tap.” Yawu ki nâŋgânomai.”

Gârâmâ Kiristoŋe ge tihitnenŋe olâk sâmbâ âlâŋe himbimân yâhâm mem geromawot. Me âlâŋe ge embun lok mumuŋe tatmaiâŋgen Kiristo mem âwurem garomawot. Yawu ki tap. Emelâk Kiristoŋe himbimâmbâ ge hohetnenŋan manmâ muop. Otmu mumuŋambâ yahatmâ tatmap. <sup>8</sup>Yakât otmâ Moseŋe den nombotŋe torokatmâ kulempuop yamâ yuwu tap.

“Anitâŋe nenekmu ârândâŋ otbuapgât emelâk den kalop yamâ nâŋgâm alahumunŋe biwinenŋan tatmap.” Yawu tap.

<sup>9</sup>Yâhâ Anitâŋe Yesu Kiristo mumuŋambâ mem yahatmu tatmap yakât den pat lohimbi âlâ me âlâŋe nâŋgâŋetâ bulâŋe otmu biwiyeŋaŋe Kiristohâlen kepeim tem lâuwaŋgim manmai. Yawu manmâ yakât topŋe sâmbâ tetem bukulipyenŋe ekyongonomai yamâ Anitâŋe tosayenŋe pilâyŋgim meyekmu manman kârikŋan mannomai. <sup>10</sup>Yawu tap gârâmâ nenŋe Kiristohâlen biwinenŋaŋe kepeimain yakât otmâ Anitâŋe nenekmu ârândâŋ otmap. Yakât topŋe lohimbi ekyongomunŋe manman kârikŋahât pat kuningiop yakât bulâŋe menom. <sup>11</sup>Yâhâ pat yakât bulâŋe yamâ teteningimu menom yakât Moseŋe den



kulemguop ya yuwu tap.

“Lohimbi âlâ me âlâne yâkâlen biwiyenaje kepeim mannomai ya yengâlen bulâne tetemu biwiyene dopjan otbuap.” Yawu tap.

<sup>12</sup> Yâhâ Kutdânenne yamâ Yesu Kiristo konok. Yakât otmâ nen Yura lohimbi otmu pâku lohimbi orop dop konohâk mansain. Yakât otmâ lohimbi âlâ me âlâne “Biwinenne gemapgât tihitnenne ot” sâm ulitgunomai yamâ in yawu nângâyinjiwuap.

<sup>13</sup> Den yan yune emelâk poropete âlâne den kulemguop ya miap. Den yamâ yuwu tap.

“Lohimbi âlâ me âlâ kutdâne tihityene olâkgât biwiyene yâkâlen katmâ ulitgunomai yamâ meyekmâ manman kârikjan katyekbuap.” Yawu tap.

<sup>14-15</sup> Yawu gârâmâ Kiristone ikne den pat âlepne ari pâku lohimbi kâsikum yinginehât ki hângânnongop mâne ki ari kâsikum yingimbâin. Otmu den ya ki ari kâsikum yingiwîn mâne ki nângâm heñgenjumbâi. Otmu ki nângâm heñgenjuwi mâne yâkâlen biwiyene ki katbâi. Otmu anjoân yâkâlen biwiyene ki katbi mâne “Biwinenne gemapgât tihitnenne ot” sâm ki ulitgumbâi. Yakât otmâ ari den pat âlepne pâku lohimbi kâsikum yinginom. Emelâk poropete âlâ, kutne Yesaia, yâkne den kulemguop ya yuwu tap.

“Den pat âlepne ya mat taka eknongoai.”

<sup>16</sup> Den yawu kulemguop gârâmâ Yura kapi ambolipne dondâhâlâkne den pat âlepne nângâñetâ helekne otmu bet pilâm mansai. Yakât otmâ Yesaiane den yakâlâk torokatmâ kulemguop ya yuwu tap.

“Kutdâ, gâhât den pat âlepņe ya lohimbi ekyongomunņe nâņgâņetâ bonņe bia otmap.” Yawu tap.

17 Den sâm aran yukât topņe yuwu sâmune nâņgâņet. Lohimbi âlâ me âlâņe Kiristohât den pat âlepņe ya buku nombotņe ekyongonņetâ nâņgâņetâ keterakyiņgimu yanâmâ yâkâlen biwiyeņe kepeim mansai.

18 Yâhâ Yura kapi ambolipņaņe den pat âlepņe ya emelâk nâņgâwi. Yakât otmâ embâņân lok âlâņe den kulemuop ya yuwu tap.

“Lohimbi hânņan kulemņan mansaiņe Anitâhât topņe nâņgâņetâ keterakyiņgiâkgât ikņak wahap topņe topņe kalop yan ekmâ ikņe topņe nâņgâmai.”

19 Yakât otmâ Isirae lohimbiņe emelâk nâņgâņetâ keterahop. Kândikum emelâk Anitâņe Mose ekumu kulemuop ya yuwu tap.

“Yeņe pâku lohimbi yeņgât nâņgâņetâ gemap yamâ mem buku tuhuyekbom. Yawu otyiņgimune yeņe eweakmâ nâņgâm bâlenomai. Otmu yâkņe nâhât topne ki nâņgâm hâlim milim mansai. Yamâ biwi sânduhân katyekmune yeņe yekmâ tepyeņe kâlâp sewuap.”

20 Yâhâ Anitâņe Yesaia den ekumu kulemuop ya yuwu tap.

“Lohimbiņe nine manman âlepņahât mâtâp yakât topņe ki nâņgâm manminiwi yaņe nâņgâņetâ haņ sâyiņgimu nâhâlen torokatsai.”

21 Yawu gârâmâ Anitâņe Isirae lohimbi yeņgât nâņgâm yuwu sâm ekumu kulemuop.

“Isirae lohimbiņe nâhâlen torokatņetâ wawaeyekbehât nâņgâm lohotņan ekyongom gan. Yawu gârâmâ den nâņgâmai yamâ ândâpyeņe kârikņe otmâ den ya betgumai.”

## 11

*Anitâņe Yura lohimbi biwiyeņe ekmâ kiwiliyekmâ nombotņeâk meyehop.*

<sup>1-2</sup> Emelâk Anitâņe Isirae lohimbi ikņe pat kuyiņgiop yamâ ândâpyeņe kârikņe otmâ ki tem lâuwaņgim gai. Yawu otbi yamâ Anitâņe kerehâk ki betyongop. Kândikum emelâk Anitâņe hân himbim ki kândikyotgowâmbâek Isirae ambolipņe yeņgât topyeņe nâņgâm heņgeņguop. Yakât otmâ ândâpyeņe kârikņe otmâ ki tem lâuwaņgim mansai yakât ki pârâk pilâm kerehâk betyongop. Yâkņe kerehâk betyongop mâne nâ gurâ orowâk betnongomu yâkâlen biwinane ki kepeim tem lâuwaņgim gambâm. Yâhâ nâmâ Isirae amboņe, Benyamingât senâmbâ gâtņe. Yakât otmâ emelâk Anitâņe tâmbâne Awaraham yâkât pat kuwaņgiop ya nâku yawuâk membom. Nâmâ ki betnohop. Yâhâ nen yu mansain nengât dowâk otmâ manminiwi yan poropete âlâ, kutņe Elia sâm, yâkņe Anitâ ekum tâmbâlipnenņe yeņgât yuwu sâop.

<sup>3</sup> “O Anitâ, hotom uhihimain yakât kawekum gahaem poropete loklipge watyekmâ nombotņe yongonetâ muwi. Nâ niniâk tem lâuhihim mansan. Yawu gârâmâ hilipnohone sâm pâinneksai.”

<sup>4</sup> Yawu sâmu Anitâņe yuwu sâm ekuop.

“Nâñe nine poropete lok 7000 yawuya mâmâñe otyingimune kasalipyene yeñgât Lâpio âlâ, kutñe Bali sâm, ya ki mepaem gai. Yawu otmâ tem lâunihim mansai.”

<sup>5</sup> Yâhâ emelâk Anitâñe Isirae lohimbi biwiyene ekmâ kiwiliyekmâ nombotñeâk mem buku tuhuyehop. Yakât dopñeâk sâp yiwerene yuâmâ Yura lohimbi biwinenñe ekmâ kiwilinenekmâ ikñe enğatñeâk otmâ nombotñe betnongop. Otmu nombotñe menenekmu biwinenñe yâkâlen kepeim tem lâuwanğim yâkât pat mansain. <sup>6</sup> Yâhâ Anitâñe otbin mewin ya ekmâ yakât dopñan kiwilinenekmâ nombotñeâk umam sâningiop mâne ikñe enğatñeâk otmâ menenekmap ya ki sâmbâin.

<sup>7</sup> Den sâm aran yukât topñe yuwu nâñgânom. Anitâñe nenekmu ârândâñ olâk sâm Isirae lohimbi dondâñe mâtâp katyñgiop ya ki watmâ gawi. Yakât otmâ bulâñe ki mem mansai. Yawu gârâmâ nen nombotñe Anitâ ikñahâk menenekmu mansainñe yâkâlen biwinenñe kepeim manmunñe nenekmu ârândâñ otmap. Yâhâ bukulipnenñe kiñgitñe orowâkñe kunyene kârikñe otmâ manbi yakât huhopñe Anitâñe betyongomu biwi pâlâmñe manminiwi. <sup>8</sup> Den yan yuñe emelâk den nombotñe kulenguwi ya miap. Den yamâ yuwu tap.

“Kunyene kârikñe otbi yakât huhopñe Anitâñe betyongomu biwi pâlâmñe manmâ denñe nâñgâñetâ ki keterakyñgiomap. Otmu mâtâp watmâ pâpğumai.” Topñe yawu tap.

<sup>9-10</sup> Yawu otminiwi yakât matñe Anitâñe yingîâkgât Dawitiñe den âlâen hâum yuwu sâm ulitguop.

“Kasalipnaŋe sot me âlâlâ ekmâ biwiyenŋe kilik kilik sâmu mene sâm yan ki ekmâek paŋgoŋân geŋetâ meyhâkgât naŋgan. Me ki nâŋgâm nâŋgâm otmâ ari tupaen kionŋetâ yongowuapgât sâm ekgohoan. Me umatŋe kakyeŋan yâhâmu tânyenŋe houŋ sâmu hâhiwin nâŋgâmbisâihât naŋgan.” Yawu sâm ulitgoup.

*Anitâŋe pâku lohimbi mem buku tuhuyehop.*

<sup>11</sup> Aiop, den ekyongoan yukât topŋe âlâen hâum sâwe. Yura lohimbiŋe ki nâŋgâm nâŋgâm otmâ ari kâlân kâiyenŋan teŋ sâmu yan tupaen kionŋetâ ki yongop. Yakât topŋe yuwu sâmune nâŋgâŋet. Yura lohimbiŋe otmâ tâpikguminiwi. Yâhâ pâku lohimbiŋe Anitâhâlen biwiyenŋe kepeimai ya yengât tosayenŋe pilâm manman kârikŋahât pat kuyiŋgimap. Yâhâ yâk yengâlen bulâŋe teteap yakât Yura lohimbiŋe eweakmâ nâŋgâm bâleyiŋgim bulâŋe orowâk membâinâ sânomai. <sup>12</sup> Yâhâ Yura lohimbiŋe biwiyenŋe alitmâ Kiristohât hâkâŋ otbi yakât huhopŋe Anitâŋe pâku lohimbi mem buku tuhuyekmâ manman kârikŋahât pat kuyiŋgiop. Yakât otmâ hâmbâi Yura lohimbi yengât nâŋgân nâŋgânyenŋe keterakyiŋgimu Kiristohâlen biwiyenŋe kepeinomai. Yawu otmâ pâku lohimbi orop biwiyenŋe hikuakmâ konohâk otmâ mannomai. Sâp yanâmâ Anitâŋe lukulenekmu hop sambe kakŋan mannom.

<sup>13</sup> Yura lohimbi nengât topnenŋe yawu tap. Yâhâ pâku lohimbi yengât yuwu sâmune nâŋgâŋet. Pâku lohimbi hânŋan kulemŋan manmâ arai ya yengâlen ari Kiristohât den pat âlepŋe ekyongowehât yâkŋe menekmâ aposolo âi sâm

nihioꝑ ya biwinaꝓe tiꝓâk kepeim manman. <sup>14</sup> Yâhâ den pat âlepꝓe ekyongomune Kiristohâlen biwiyenꝓe katꝓetâ Anitâꝓe manman kârikꝓahât pat kuyiꝓgimu mansai. Yawu manꝓetâ Anitâꝓe Yura bukulipne betyongomu mansai yaꝓe eweakmâ nâꝓgâm bâleyiꝓgim âlâkuâk manman kârikꝓahât pat kuyiꝓgiâkgât Kiristohâlen biwiyenꝓe katnomaihât naꝓgan. Yakât otmâ âi sâꝓ nihioꝑ ya tiꝓâk mem manman. <sup>15</sup> Yura lohimbî kiꝓgitꝓe orowâkꝓe biwiyenꝓe alitmâ Kiristohât hâkâꝓ oꝓbi yamâ betyongop. Yâhâ pâku lohimbî sesenꝓâlâkꝓe yâkâlen biwiyenꝓe kepeiwi ya yenꝓgât kaok nâꝓgâm mem buku tuhuyehop. Yâhâ hâmbâi mâne Yura lohimbîꝓe Kiristohâlen biwiyenꝓe katnomai ya mem buku tuhuyekmâ manman kârikꝓahât pat kuyiꝓgiwuap.

<sup>16</sup> Tâmbânenꝓe Awarahamꝓe Anitâhâlen biwiꝓaꝓe kepeim ki biwi yâhâꝓ otmâ manminiop. Yakât otmâ Anitâꝓe manman kârikꝓahât pat sâꝓ yâk otmu yâkât sen kuyiꝓgiop ya ki biatbuap. Yakât toꝓꝓe den âlâen hâum sâꝓmune nâꝓgâꝓetâ keterakiꝓgiâk. Sot um yan torehenꝓe yamâ Anitâhât pat sâꝓ mem ketetmunꝓe ekmu ârândâꝓ olop. Yakât otmâ nombotꝓe âlâ yâkât ki mem ketetbin ya gurâ yawuâk ekmu ârândâꝓ olop.

Yâhâ nen Yura lohimbîꝓe yen pâku lohimbî orop Anitâhâlen biwinenꝓaꝓe kepeim manmâ konohâk oain. Yakât nâꝓgâꝓetâ keterahâkgât den âlâen hâum yuwu sâwe. Koset gihit kândârâꝓe ya Anitâꝓe ekmu ârândâꝓ oꝓmap yakât dopꝓeâk kele awatꝓe ekmu ârândâꝓ oꝓmap. <sup>17</sup> Koset alikꝓe memain yakât dop yamâ nen Yura lohimbîꝓe

mansain. Yâhâ pâku lohimbi yenâmâ himan ikñak in tetemap yakât dop mansai. Yâhâ koset awatñan bulâñe ki kinbuap yamâ amboñaje kârâm pilâwuap. Yakât dopñeâk Anitâñe Yura lohimbi nombotñe betyongop. Yâhâ amboñaje ari himan awatñe kârâm mem taka koset awatñe kârâm pilâwuap yan mem katatgumu âi omoñ omoñ otmâ kinbuap. Yakât dopñeâk pâku lohimbiñe Kiristohâlen biwiyeñaje kepeimai yen meyekmâ Yura lohimbi bulâñe ya yengâlen torokatyekmâ tâmbâlipyene yengât pat kuyiñgiop ya yawuâk yengât kuyiñgimu mansai. <sup>18</sup> Yakât otmâ awatñe kârâm pilâwuap yakât dopñeâk Anitâñe Yura lohimbi nombotñe betyongom ya yengât kaweyen yan katyehop. Yakât otmâ yehâhât nângâñetâ yahatmapgât yuwu sâmune nângâñet.

Koset amboñaje topñe lawitmâ pitim hengenngumu yanâmâ awatñe lingarakmu bulâñe kinbuap. Yakât dopñeâk Anitâñe angoân manman kârikñahât pat sâm Awaraham otmu yâkât sen ya yengât kuyiñgiop. Yakât otmâ pat kuyiñgiop ya torokatmâ yawuâk pâku lohimbi yengât sâm kuyiñgiop.

<sup>19</sup> Bulâñanâk pâku lohimbi yengât kawe teteyiñgiâkgât Anitâñe Yura lohimbi biwiyeñe kârikñe otmâ manbi ya betyongop. <sup>20-21</sup> Yawu gârâmâ biwiyeñe kârikñe otmu Kiristohât hâkâñ otmâ yâkâlen biwiyeñe ki katbihât Anitâñe betyongop. Yâhâ yen pâku lohimbiñe yâkâlen biwiyeñaje tiñâk kepeim mansai. Yawuâk torokatmâ mannomai yanâmâ Anitâñe

ki betyongowuap. Yakât nângâm hâkyeņe mepaemaihât yuwu sâmunne nângâņet. Emelâk Yura lohimbine kosetgât dop otmâ manbi. Yawu gârâmâ Kiristohât hâkâņ otņetâ yaņak Anitâņe betyongop. Yâhâ yenâmâ himangât dop oai. Yawu gârâmâ himan otmu koset topyetņe ikņiâk ikņiâk. Otmu yakât dopņeâk yen pâku lohimbini otmu nen Yura lohimbini topnenņe ikņiâk ikņiâk. Yawuâke yamâ Anitâņe yen meyekmâ nengâlen torokatyekmu orowâk mansain. Yâhâ yenğâlen gâtņe âlâ me âlâņe Kiristo betgunomai otmuâmâ Anitâņe biwiyenjahât topņe nângâm amboņan amboņan betyongowuap. Yakât nângâm yeņe Anitâ ewe katmâ manņet.

<sup>22</sup> Den sâm aran yukât topņe yuwu nângânom. Yura lohimbine biwiyene kârikņe otmu Kiristohât hâkâņ otbi yamâ Anitâņe betyongom matņe tâņ tâņâk yingiop. Yawu gârâmâ yenâmâ Kiristohâlen biwiyene katbi yan umam sâyingim buku tuhuyehop. Otmu biwiyenane tinâk kepeim mannomai otmuâmâ yâku yawuâk buku otyingiwuap. Yâhâ yeņe Kiristo betgum mannomai yamâ yen yawuâk betyongowuap. <sup>23</sup> Anitâņe Yura lohimbini betyongop ya yenğât nângân nângânyene keterakyingimu Kiristohâlen biwiyene katnomai yanâmâ Anitâņe nângâyingim himan awatņe mem katatgumu âi omoņ omoņ otmâ kinsap yakât dopņeâk ikņe kopolân torokatyekmu manman âlepņanâk mannomai. Yawu otbuapgât wâtņe pato tap. <sup>24</sup> Yâhâ Yura lohimbini nen otmu pâku lohimbini topnenņe ikņiâk ikņiâk tap yakât torokatmâ sâwe. Nen Yura lohimbine kosetgât dop mansain. Yâhâ yen pâku



lohimbiâmâ himangât dop mansai. Yakât otmâ Anitâne yen meyekmâ koset bât bâtnan torokatye-hop. Yawu gârâmâ topyene ikniâk tapgât otmâ kârikneâk ki tai. Yawu gârâmâ Yura lohimbi betyongop ya yengât topyeneâmâ koset topne yawuâk tapgât otmâ Anitâne âlâkuâk koset bât bâtnan torokatyekmu kârikneâk kinnomai.

*Hâmbâi Anitâne Yura lohimbi âlâkuâk mem buku tuhuyekbuap.*

<sup>25</sup> Bukulipne, yuwu sâmunne nângânet. Anitâne Yura lohimbi betyongom yen meyekmu mansai. Yakât otmâ yenhât nângânetâ yahatmapgât yuwu sâm ekyongomune nângânet. Wâtgât mâmânahât Heakne nângân nângânne mem pâron pilâmu Yura lohimbi topnenne nângâm hengennguan. Isirae lohimbi kinngitne orowâkne biwiyene kârikne otmâ mansai ya nanngai. Yawu gârâmâ pâku lohimbi Kiristohâlen biwiyene katmâ yâkâlen torokatnomai ya yekmâ nângâmu dopnan otbuap. Yanâmâ Isirae lohimbi nângân nângânyene keterakyinngimu biwiyene yâkâlen katnomai. <sup>26-27</sup> Biwiyene yâkâlen katnetâ tosayene pilâyinngiwuap sâp yan emelâk Anitâne poropete âlâ den ekumu kulempuop yakât bulâne tetewuap. Den yamâ yuwu tap.

“Nâhât sâtgât Sion pumnan Yerusalem kapi tap yakât ambolipne yengâlebâ lok âlâ tetem Isirae lohimbi yengât tihityene otmâ mem kuwikyekbuap. Yanâmâ orotmemeyene bâlene bet pilâm nâhâlen torokatnetâ tosayene pilâyinngiwom. Pilâyinngim orowâk mannongât pat kuyinngiwom.” Den yawu tap.

28 Yawu gârâmâ Yura lohimbiñe ândâpyeñe kârikñe otmu Yesu Kiristohât den pat âlepñe nângâñetâ gemu bet pilâñetâ yañak Anitâñe betyongop. Yakât huhopñe yen pâku lohimbiñe den pat âlepñe ya nângâñetâ bulâñe otmu yâkâlen biwiyenñe katñetâ manman kârikñahât pat kuyiñgiop. Yâhâ Awaraham, Isaka, Yakop, yâkñeâmâ Anitâhâlen biwiyenñe tiñâk kepeim tem lâuwangim gawi. Yakât otmâ emelâk yâk yengât nângâop yakât dopñeâk yâk sen nângâyîngimap. 29 Yâhâ Anitâñe tâmbâlipyenñe nângâyîngimu ârândân otmu meyhop. Yakât otmâ bunewâk ki betyongop. 30 Yenâmâ embânân yenñe engatyenñeâk otmâ Anitâhât ki nângâwanjim manminiwi. Yawu gârâmâ sâp yiwerenñe yuâmâ Isirae lohimbiñe den pat âlepñe nângâm hâkân otmâ betbanjim mansai. Yakât huhopñe yen pâku lohimbiñe den pat âlepñe ya nângâñetâ bulâñe otmu Kiristohâlen biwiyenñe kepeim manñetâ Anitâñe umam sâyîngim tosayenñe pilâyîngiop. 31 Yakât dopñeâk Yura lohimbiñe biwiyenñe kârikñe otmâ Kiristohât hâkân otmâ mansai yañe hâmbâi yâkâlen biwiyenñe katnomai. Yawu otnomai yan yâk yengât nângâm umam sâyîngim tosa pilâyîngiwuap. 32 Yâhâ nen Yura lohimbi me yen pâku lohimbi kerekñe otmunñe bâlem gap yakât topñe nângâmunñe keterakningiâkgât Anitâhât Wâtgât mâmânahât Heakñe biwinenñan gemap. Biwinenñan gemu keterakningimu orotmemenenñe bâlenñe bet pilâm Anitâhâlen biwinenñe kepeimunñe umam sâningim tosanenñe pilâningimap.

33 Anitâne wawaenenekmâ tihitnenne otmâ gamap. Otmu yawuâk tihitnenne otmâ yâhâwuap. Yakât otmâ mepaeon. Yâkne yu ya otningim gamap yakât nenjahâk topne nângâne sâmpâpgumain. Yâhâ biwiñan den girawu tatmap ya nenjahâk nângânongât dop âlâ ki tap. <sup>34-35</sup> Den yan yuñe emelâk poropete lok nombotñane den kulemgui ya miap. Den yamâ yuwu tap.

“Kutdâhât biwiñan den tatmap ya lok âlâ me âlâne yenjahâk nângânomaihât dop âlâ ki tap. Otmu Anitâmâ nângân nângân amboñe. Yakât otmâ wuân me wuângât ki âlâ pâpgumap. Yawu gârâmâ lok âlâ me âlâne Anitâ den kâsikum wañbuapgât gurâ dop ki tap.” Den yawu tap.

36 Anitâ manman amboñane hân himbim kândikyotgom hânân âliwahap topne topne kalop. Yâhâ ikñak kalowâmbâek hohem tatmâ gap, otmu hohem tatmâ yâhâwuap. Yakât otmâ miti den âlâ tap ya yuwu sâmpkyongomune nângâñet.

“Lok âlâ me âlâne Anitâ tosa katbañginomaihât dop âlâ ki tap.”

Den yawu kulemgunetâ tap yakât nângâm Anitâ mepaem manmâ yâhâmbisâin. Ya bonñanâk.

## 12

### *Nenñe Kiristohât kâñe bâtñe yawu manmain.*

<sup>1</sup> Bukulipne, yuwu sâmpune nângâñet. Anitâne ikñahâk wawaenenekmâ manman kârikñahât pat kuningimu mansain. Yakât dop kum sâwe. Emelâk embâñân Anitâne papatolipnenne yengât orotmeme topne topne sâmpkatyiñgiop. Yakât

otmâ miti lok kunlipyenaje mâtâp katyîngiop ya watmâ noniņ bulimakao gâim yâkât pat sâm hotom uwanjîetâ hâmenan yâhâmu nângâmu ârândân otminiop. Yakât topņe nângâm yuwu otnomgât nanġan. Anitâņe mâtâp ningiop yu tâņ tâņâk watmâ tem lâuwanjim manmâ yâhânom. <sup>2</sup> Nenņe girawu otmâ Anitâhât tem lâuwanjimunņe nenekmu ârândân otbuap? Yamâ yuwu otnom. Lohimbi belângen manmaine yeņe nângân nângânyeņambâ tetemap ya watmâ orotmeme âlâlâ otmai yawu ki otnom. Yâhâ nenâmâ Wâtġât mâmâņahât Heakņe Anitâhât biwiņambâ den mem biwinenņan katmu ya lâum manmâ yâhânom.

<sup>3</sup> Otmu Anitâņe ikņahâk buku otnihim aposolo âi sâm nihiop. Yâkât sâtġât otmâ yuwu sâm ekyongomune nângâņet. Anitâhâlen biwinenņane kepeim mansain. Yakât otmâ yâkņe ikņe âi tuhunomgât bulâņe dopnenņan mem teteningimap. Yakât otmâ nenņe âlâku amboņan amboņan biwinenņahât topņe nanġanġinom. Yawu ġârâmâ nenņahât nângâmunņe ki yahatbuap. <sup>4-5</sup> Yakât otmâ den âlâen hâum sâmune nângâņetâ keterahâk. Kiristoņe kunnenņe oap. Yakât otmâ nenņeâmâ yâkât kâiņe bânņe otmâ mansain. Yâhâ kâiņe otmâ yan yâkât hoņ bam gamain. Otmu bânņe otmâ yan lohimbiņe yâkâlen biwiyeņe katņetġât âi memain. Âi sâm ikņiâk ikņiâk ningiop ya mem tânahom manmâ yâhânom yakât yuwu sâmune nângâņet. <sup>6</sup> Nenņe yâkâlen biwinenņane kepeim manmain yakât dopņanâk bulâņe ikņiâk ikņiâk teteningimap ya yawuâk otnom. Anitâhât den sâm ekyongonomġât

biwinenŋe mem hewewenŋ tahuop yakât dopŋan ekyongonom. <sup>7</sup> Otmu den kâsikum yinŋinomgât biwinenŋan kalop otmuâmâ yawuâk den kâsikum yinŋinom. Yâhâ Kiristohât komot tânyongonomgât biwinenŋan kalop otmuâmâ yawuâk tânyongonom. <sup>8</sup> Otmu bukulipnenŋe yengât biwiyenŋe gemap sâm mem hewewenŋ tuhuyeknomgât biwinenŋan kalop. Otmuâmâ yawuâk otyinŋinom. Yâhâ iri sikum me senŋe âlâlâ tatningiap ya nombotŋe mem kâsikum lohimbi nombotŋe yinŋinomgât biwinenŋan kalop yamâ hewewenŋâk nembe kalem otyinŋinom. Otmu Kiristohât komot yengât kunlipyenŋe manŋet sâm katneneknomai otmuâmâ biwinenŋaŋe kepeim tâŋ tâŋâk tihityenŋe otnom. Otmu lohimbi yengâlen umatŋe âlâlâ teteyinŋiwuap yan tânyongonomgât biwinenŋan kalop otmuâmâ heronŋe kakŋan tânyongonom.

*Biwinenŋaŋe kepeiakmâ ewe karanŋim mannom.*

<sup>9</sup> Otmu buku oranŋine sâm yan hâkŋak hâkŋak ki oranŋinomai. Orotmeme bâleŋe pilâm orotmeme âilonŋoâk watmâ buku oranŋinomai. <sup>10</sup> Otmu bukulipyenŋe orop ewe karanŋim biwiyenŋaŋe kepeiakmâ konohâk otmu mannomai. <sup>11</sup> Otmu âi tuhune sâm Anitâhâlen biwiyenŋe hikum hewewenŋâk otmâ tuhunomai. <sup>12</sup> Otmu lohimbi belângen manmainŋe mem âlâlâ tuhuyeknomai yan Anitâŋe manman kârikŋahât bulâŋe hâmbâi ningiwuap nânŋâm yakâlâk biwiyenŋaŋe mem heronŋe kakŋan mannomai. Otmu biwiyenŋe gemapgât haoŋmâ ârândânŋ Anitâ ulitgunetâ mâmâŋe otyinŋiwuap. <sup>13</sup> Otmu bukulipyenŋe yengâlen umatŋe âlâlâ teteyinŋiwuap yanâmâ

in yawu tânyongonomai. Otmu lomba me lok pupŋe yeŋgâlen takanomai ya nembe kalem otyiŋginomai.

<sup>14</sup> Otmu lok âlâ me âlâŋe mem âlâlâ tuhuyeknomai yamâ yakât matŋe Anitâŋe mem bâleyehâkgât sait kakyenŋan ki pilânomai. Yâhâ yâkŋe lukuleyehâkgât ulitgunomai. <sup>15</sup> Otmu lohimbî kahân ari we bâle nâŋgâmai yamâ biwiyenŋe sânduk sâekgât orowâk tatmâ biwiyenŋe mem sânduk tuhuyeknomai. Otmu bukulipyenŋe buku âlâhât nâŋgâŋetâ yahatmu heronŋe kakŋan mansap ya yeŋe yawuâk heronŋe otbaŋginomai. <sup>16</sup> Otmu yenâmâ Kiristohât komot konohâk mansai. Yakât otmâ biwi nâŋgân nâŋgânyenŋe hikuakmâ konohâk otmu tep âlep naŋgaŋginomai. Otmu âi sâŋm yinŋinomai ya ekmâ tâŋât sâŋm ki bet pilânomai. Otmu ninahâk otmune ârândânŋ otbuap sâŋm yeŋahât ki nâŋgâŋetâ yahatbuap. <sup>17</sup> Otmu lok âlâ me âlâŋe yen mem bâleyeknomai yakât matŋe ki kâpekyiŋginomai. Yeŋe umam sâyingim buku otyiŋginomai yanâmâ lohimbîŋe yekŋetâ ârândânŋ otbuap. <sup>18</sup> Otmu lok âlâ me âlâŋe tepyeŋe kâu kâlâp semu yahatmâ yen yongone sâŋm otnomai yan mem lohotŋe tuhuyeknomai. <sup>19</sup> Otmu lok âlâ me âlâŋe yen mem bâleyeknomai yanâmâ Anitâ ikŋak matŋe kâpekyiŋgiwuap nâŋgâm ki matŋe kâpekyiŋginomai. Yakât emelâk Anitâŋe den âlâ Mose ekumu kulemguop ya yuwu tap.

“Ninak matŋe yinŋimune umatŋe kakŋan manmâ yâhânomai.”

<sup>20</sup> Yâhâ âlâmâ yuwu tap.

“Kasalipyenŋe po yinŋgiwuap yanâmâ sot mem

yiŋgiŋetâ nenomai. Otmu tohât yekbuap yan gurâ to osom ga yiŋgiŋetâ nenomai. Yawu otyiŋginomai yan yâkŋe aŋun pato otnomai.”

Den yawu tap. <sup>21</sup> Yâhâ yen mem bâleyeknomai yan matŋe kâpekyiŋgimaihât biwiyenŋe galemahom buku otyiŋginomai. Yawu otyiŋgiŋetâ kasalipyenŋe kaok nâŋgânomai.

## 13

*Gawamangât galemlipnenŋe yenŋât amutgen mannom.*

<sup>1</sup> Bukulipne, gawaman me kiap kunlipyenŋe mansai ya yenŋât sâwومان. Lok âlâ me âlâŋe yenahâk gawamangât lok kunŋe ki otmai. Anitâ ikŋahâk gawaman âi sâm yiŋgim katyekmu kinmai. Yakât otmâ gawaman patonŋe galem-lipnenŋe katyekŋetâ mansai ya yenŋât amutgen manmunŋe ârândân otbuap. <sup>2</sup> Yawu gârâmâ lok âlâ me âlâŋe ândâpyenŋe kârikŋe otmâ gawaman yenŋât den kumai yan Anitâhât nâŋgâŋetâ gemap. Yakât otmâ Anitâŋe den sâm hâreyiŋgimu matŋe umatŋe menomai. <sup>3-4</sup> Yâhâ gawamangât lok yanŋeâmâ Anitâhât sâtŋât otmâ tihitnenŋe otmai. Yakât otmâ lok âlâ me âlâŋe orotmeme âlepŋe otmai yanŋe gawamangât lok yenŋât kiŋgityenahât ki otmai. Lok yawuya yenŋât gawamangât lokŋe nâŋgâŋetâ yahatmap. Yawu gârâmâ lok âlâ me âlâŋe orotmeme bâlenŋe otnomai yakât Anitâŋe nâŋgâmu bâlewup. Nâŋgâmu bâlemu gawamangât lok kunlipyenŋe mâmâŋe otyiŋgimu tem lâuwangim matŋe yiŋginomai. Yakât otmâ lok yawuyanŋe gawamangât lok yenŋât kiŋgityenahât otŋet. <sup>5</sup> Yawu

gârâmâ lok âlâ me âlâñe kilikmâ manne sâam ot-mainje gawamangât den lâum manñetâ yekñetâ ârândân otbuap. Yâhâ otñetâ bâlemu nângâñetâ bi-wiyenjan hâuyekmapgât tem lâuyingim mannomai. Yawu mannomai yanâmâ gawamangât lok yanje Anitâhât sâtgât otmâ hâhiwin ki yinginomai.

<sup>6</sup> Anitâñe lohimbi tihityenje otñet sâam gawamangât lok âi sâam yingimap. Yakât otmâ âiyenje tuhune sâam yan takesihât nanje katñet sâam ekyongonomai yan im in yawu katñetâ ârândân otbuap. <sup>7</sup> Yâhâ takesi topñe topñe ya yengâlen tap yakât mene sâam otñetâ ewe katyekmâ takesihât tewetsenje katnomai.

*Manman kârikñahât bulâñe menomgât sâp utâpguap.*

<sup>8</sup> Yâhâ yenje lok âlâ me âlâhâlen ari wahap wuân me wuân kandi mene sâñetâ tepyenje hewewen otmu yinginomai. Yâhâ ambonaje yakât umburuk otbuawân in yawu yinginetâ pesuk sâwuap. Yawu otmâ bukulipyenje yengât nângâñetâ yahatmu yenahât nângâñetâ gewuap. Yawu otmâ manmai yanâmâ Anitâñe girem den Mose ekumu kulenguop ya kerek lâumai yakât dop otmap. <sup>9</sup> Yâhâ girem den yamâ yukât yan.

“Buku âlâhât imbi ki ekmâ otbuat. Me lok nombotñe ki yongorâ munomai. Me kombo ki meyingiwuat. Me buku âlâhât senñe âlâlâ ki ekñâlem membe sâam biwihe pârâk pilâwuat.”

Girem den yu otmu nombotñe ki ekyongoan yakât den kunñe yuwu tap.



“Nenjahât nângâmunje yahatmap yawuâk buku nombotje yengât nângâyîngimunje yahatbuap.” Den yawu tap.

<sup>10</sup> Yâhâ lok âlâ me âlâje den yu lâum buku âlâhât nângâjetâ yahatmap, lok yawuyaje buku âlâ me âlâhât ki nângâm bâleyîngim mem ge katyekmai. Yawu otmâ buku konok otyîngim girem den kerek lâumai yakât dopje otmâp.

<sup>11</sup> Yawu torokatmâ otmâ mannomgât yuwu sâmune nângâjet. Emelâk Yesu Kiristohât den pat nângâmunje bulâje otmu yâkâlen biwinenje katbin yan Anitâje manman kârikjahât pat kuningiop. Yawu gârâmâ pat kuningiop yakât bulâje menomgât sâp ya utâpguap. Yakât otmâ kâlâwahom yahatmâ Kiristohât âi tuhune. <sup>12-13</sup> Nen kerekje âi kârikjeâk tuhunehât biwinaje nanjan. Yakât otmâ den âlâen hâum sâmune nângâjet. Sâp yiwerenje yuâmâ emet hañ sâwe sâm emet topje palalañ yap. Yakât otmâ kâlâwahom yahatmâ manman hângiñe pilâm pesuk pilânomai. Orotmeme bâleje âlâlâ ki otnomai. To kârikje ki nem biwi hâlim otnomai. Me ki hionakmâ tep bâle nanjanjinomai. Orotmeme yawuya bet pilâm yan lohimbî nombotjañe lok senyenjan kinmâ orotmeme âlepje nanje otjetâ yekmai yakât dopjeâk otmâ mannomai. <sup>14</sup> Yawu manmâ lohimbîje Yesu Kiristohâlen biwiyenjañe kepeim manjetgât yâkñe olop miop yawu otmâ tem lâuwanjîm mannomai. Yawu manmâ yâkât den pat âlepje sâm haok tuhunomai. Tem lâuwanjîm mannomai yan emelâk orotmeme bâleje ekñâlem otmâ tâpîkguminiwi ya witgum otmain sâm biwiyenje

galemahom mannomai.

## 14

*Nenje orotmeme tâṅâṭ âlâlâ otmain yakât An-itâṅe ki nâṅgâmu yahatmap.*

<sup>1</sup> Den âlâ yuwu sâmunne nâṅgâṅet. Lohimbi nombotṅaṅe Yesu Kiristohâlen biwiyenṅaṅe tiṅâk ki kepeim manmai yamâ yâkât den ki nâṅgâm heṅṅṅumai. Yakât otmâ lok yawuya orop den ki sahaṅginomai. Lok yawu yamâ buku otyiṅgim yâk orop biwiyenṅe hikuakmâ konohâk otbuap.

<sup>2</sup> Yakât yuwu sâmunne nâṅgâṅet. Lok nombotṅaṅe Kiristohât den nâṅgâm heṅṅṅum sonḡo bau ki ekmâ kiwilim nemai. Yâhâ lok nombotṅaṅeâmâ gorâyiṅgimu yuwu sâmai. “Maiṅ, sonḡo bau yukât topṅe girawu? Porom Lâpio mepaem hotom uyiṅgim yan neṅetâ torehenṅe in tap ya yu mon?” Yawu sâm sonḡo bau ya bet pilâm salup konok nemai. <sup>3</sup> Yâhâ sonḡo bau nemaiṅe buku âlâhât ki nâṅgâṅetâ gewuap. Otmu An-itâṅe sonḡo bau nemai ya yekmu ârândâṅ otmap. Yakât otmâ sonḡo bau ki nemaiṅe ya yeṅgât ki nâṅgâm bâleyiṅgim sâm ge katyeknomai. <sup>4</sup> Lok âlâ me âlâṅe buku âlâhât nâṅgâm bâleyiṅgimai me sâm ge katyekmai yamâ Anitâ Ambonenṅaṅe yekmu bâlemap. Kutdânenṅe Kiristo ikṅak lok kerek nengât biwinenṅe ekmap. Yakât otmâ hâmbâi nenṅe otmain memain ya ekmâ sâm hâreniṅgiwuap. Yâhâ lok âlâ me âlâṅe Kiristohât tem lâuwaṅgimai yamâ mâmâṅe otyiṅgimu hâmbâi sâp patoen yâkât senṅan kinṅetâ yekmu ârândâṅ otbuap.

<sup>5</sup> Yâhâ Yura lohimbi nengât tatmâ nângâ nângâ hilâm me homban̄ yamâ top̄ne top̄ne tap yakât sâwe. Anitâne nenekmu ârândân̄ olâk sâ̄m lok nombot̄ne hilâm âlâ me âlâhât nângânetâ yahatmu yan tatmâ nângâmai. Otmu lok nombot̄neâmâ hilâm âlâ me âlâhât nângânetâ dop konohâk otmu yan haon̄mâ ârândân̄ Anitâ mepaemai. Yakât yuwu sâ̄mune nângânet. Hilâm âlâen me âlâen Anitâ mepaem tatnomai yamâ yen ik̄niâk ik̄niâk en̄gatyeneâk otmâ yan biwi yâhâp ki otnomai. <sup>6</sup> Yâhâ lok âlâ me âlâne en̄gatyeneâk otmâ hilâm âlâen me âlâen Anitâ mepaem tatmai yamâ yekmu ki bâlemap. Yâhâ lok âlâ me âlâ songo bau nemaīne Anitâ mepaem nejetâ ya gurâ yekmu ki bâlemap. Otmu lok nombot̄ne âlâ salup konok nemaīne yawuâk Anitâ mepaem nejetâ yekmu ki bâlemap. Yakât otmâ en̄jakmâ ki sâ̄m ge karaknomai.

<sup>7-10</sup> Den sâ̄m aran yukât top̄ne yuwu nângânom. Kiristohât lohimbi emelâk muwi, me sâp yi-werēne mansain me hâmbâi tetem mannomai kerek nengât Kutdânen̄ne otmâ galemnongoâk sâ̄m Anitâne hângângumu ge muop. Otmu mu-mun̄jambâ mem yahatmu tatmap. Otmu yâk̄ne konok kunnen̄ne tatmâ yâhâmbisâp. Yakât otmâ nen̄jahâlâk nângâm mannomgât dop âlâ ki tap. Otmu sâp patoen Anitâne biwinen̄ne ekmâ den sâ̄m hâreningimu Kiriston̄e sârerenenekmâ man-man kâr̄ik̄jan mem katnenekmu orowâk manmâ yâhânom. Yakât otmâ ki sâ̄m bâleanḡinom. <sup>11</sup> Den yan yūne emelâk Anitâne poropete âlâ den ekumu kulemḡuop ya miap. Den yamâ yuwu tap.

“Nâmâ Manman Ambōne. Yakât otmâ lohimbi

kerekņe ewe katnekmâ metenan kinmâ “Am-bonenņe, gâhât heronņe nâņgâhihiain” sâm mepaeneknomai.” Yawu tap.

<sup>12</sup> Yakât otmâ nen kerekņe Anitâhât senņan kinmâ otmain memain yakât ekumunņe nâņgâwuap.

*Bukulipnennņe manman âlâ manmai ya yekmâ ki nâņgâm bâleyiņginom.*

<sup>13</sup> Yakât otmâ ki nâņgâm bâleanņinom. Yâhâ bukulipnennņe otņetâ bâlemap sâm nennahâlâk ki nâņgâmunņe yahatmu ihilâk mannom. Yâk orop biwinnenņe hikuakmâ konohâk otmu mannom.

<sup>14</sup> Nâņe Kiristo orop biwinetņe hikuakmâ konohâk oap. Yakât yuwu nâņgâmune bulâņe oap. Anitâņe wahap topņe topņe, sot kâle, sonņo bau, me âlâlâ, yuâmâ ki neneņe sâm samut ki kalop. Wahap topņe topņe kalop yamâ neneņeâk hârok. Yakât otmâ lok âlâ me âlâņe sonņo bau me sot kâle ekmâ ki neneņe sâm samut katmai yamâ yeņe eņgatyeneâk watmâ katmai. Yawu sâmâi yakât kakņan ihilâk neņetâ biwiyenņan hâumu aņulaknomai yamâ yeņe wahap. Anitâņe orotmeme yawu otņet sâm ki kalop. <sup>15</sup> Yawu gârâmâ bukulipnennņe sonņo bau ki nemai ya yeņgât senyenņan sonņo bau ihilâk nenom yamâ dondâ bâlewuap. Kiristonņe bukulipnennņe yawuya orowâk nengât sârerenenekmâ ge muop. Yakât otmâ nenņe lok sen senân tatmâ sonņo bau nemunņe bukulipnennņe yawuyenņe nenekmâ nengâlen torokatņetâ orowâk nenom yanâmâ samut katbi ya loņgâem ihilâk neņetâ biwiyenņe orotok sâwuap. Biwiyenņe orotok sâmu Kiristo

betbangim orotmemeyene bâlene pilâwi ya miwirikum otmâ hiliwahomai sâm nenne lok sen senân kinmâ songo bau ki nenom. <sup>16</sup> Nenneâmâ songo bau nemain yan biwinenñaje nângâmunne ki hâunenekmap. Yawu gârâmâ bukulipnenne nombotñaje nenekmâ sâm bâleningimaihât lok sen senân tاتمâ songo bau ki nenom. <sup>17</sup> Yawu gârâmâ nenne sot kâle me songo bau kiwilim nombotne nemain otmu nombotne ketetmain yakât Anitâne ki nângâmap. Yâhâ biwinenñaje hikuakmâ konohâk otmu tem lâuwangim herone kakñan mannehât Wâtgât mâmâñahât Heakne mâmâne otningimap. <sup>18</sup> Yawu manmunne lohimbi belângen manmaine nângâninginetâ yahatmu Anitâne nenekmu ârândâñ otmap.

<sup>19-21</sup> Yawu gârâmâ yâhâpne sâmunne nângâñet. Anitâne sot kâle me songo bau katningiop yamâ neneñe hârok. Yawu gârâmâ bukulipnenñaje nenekmâ nengâlen torokatñetâ orowâk nemunne yan yenak samut katbi ya lonğâemai sâm lok sen senân tاتمâ songo bau me to kârikne ki nenom. Yâhâ bukulipnenñaje wuân me wuângât samut katmai yane nângâm bâleningimaihât ya yengât senyenñan kinmâ ya ki otnom.

Nen Anitâhât komot konok mansain yuñe hionakmain sâm sot kâle me songo bauhâlâk ki nângânom. Yawu gârâmâ biwinenñaje hikuakmâ konohâk otmu tihit oranğinom yakâlâk nângâm mannom. <sup>22-23</sup> Yakât yuwu sâmunne nângâñet. Anitâne songo bau me senne âlâlâhât samut ki kalop ya nângâmain. Yakât otmâ songo bau me âlâlâ nemain yan biwinenñaje nângâmunne

ki hâunenekmap yan herone nângâmain. Yawu gârâmâ bukulpnenne nombotjaŋe soŋgo bau me to kârikŋe me âlâlâ yakât samut katmai ya senyenjan kinmâ ya ki otnom. Yâhâ Anitâŋe konok biwinenjahât topŋe nângâmap. Yakât otmâ lok âlâ me âlâŋe biwi yâhâp kakŋan yu ya otmai me nemai yanâmâ biwiyenŋe ekmu ki ârândâŋ otmap.

## 15

*Kiristone ikjahâlâk ki nângâm manminiop yawu mannom.*

<sup>1-3</sup> Bukulpne, yenjahâlâk nângâmai-hât yuwu sâm ekyongomune nângâŋet. Kutdânenne Kiristone ikjahâlâk ki nângâm manminiop. Yakât emet inânŋan lok âlâŋe den kulemguoŋ yakât bulâŋe Kiristohâlen teteop yamâ yuwu tap.

“Anitâ, lohimbî gâhât sâm bâlehihimainŋe nâŋe tem lâuhihiman yakât mem ge katneksai.”

Yawu tap.

Yâhâ Kiristone olop yakât dopŋeâk nenâmâ yuwu otnom. Bukulpnenneŋe Anitâhât den topŋambâek ki nângâmainŋe soŋgo bau nenehât samut katmai ya yeŋgât ki nângâm bâleyiŋgim nennejahâlâk nângânom. Yawu otmâ Anitâhât den nângâm henŋeŋuŋet sâm lohotŋan den kâsikum yiŋginom. <sup>4</sup> Emelâk Anitâŋe den ekyongomu kulemguwi ya nângâm mannom. Yawu manmunŋe umatŋe topŋe topŋe teteningiwuap

yan ki pârâk pilâmunŋe biwinenŋe orotok sâwuap. Emelâk manman kârikŋan mannomgât pat kuningiop yakât biwinenŋe mem mannom. <sup>5-6</sup> Yâhâ Anitâhâlen biwiyenŋe kepeim manŋetâ umatŋe âlâlâ teteyiŋgiwuap yan mâmâŋe otyiŋgimu

ki lohotņe otrjetâ biwiyeņe orotok sâwuap. Otmu biwi nâņgân nâņgânyeņe hikuakmâ konohâk otmu lauyeņe menduhum Kutdânenņe Yesu Kiristo âwâņe mepaenjetgât nâņgâm ulitgum manman.

*Yura lohimbiņe pâku lohimbi orop manman kârikņahât bulâņe menomai.*

<sup>7</sup> Kiristoņe buku otningimap yan orotmeme-nenņe yuwu yawu otmain yakât ki nâņgâmap. Yakât otmâ bukulipyeņe orop biwiyeņe hikuakmâ konohâk otmu ki sâm bâleanģinomai. <sup>8</sup> Yawu otmâ Anitâ mepaem yâhânomai. Otmu emelâk Anitâņe Awaraham, Isaka, otmu Yakop ikņe pat kuyiņgim den ekyongop. Yâhâ sâp yiwerenņe yuâmâ nenņe pat yakât nelâmguop nâņgâmaingât nanņe Kiristo hâņgângumu Yura lohimbi nengâlen teteop. Nengâlen tetem yan nenņe Anitâhâlen biwinenņe kepeim pat yakât bulâņe menomgât kulem topņe topņe mem ikņe den pat âlepņe eknongop. <sup>9</sup> Yâhâ yen pâku lohimbiņe yawuâk yâkâlen biwiyeņe kepeinetâ Anitâņe umam sâyiņgim tosayeņe pilâmu orowâk mepaem mannomgât giop. Den yan yuņe emet inânņan poropete nombotņe den kulemguwi ya miap. Den yamâ yuwu tap.

“Yakât otmâ nâņe pâku lohimbi orop manmâ kiki meņgihim mepaeheknom.”

<sup>10</sup> Otmu âlâmâ yuwu tap.

“Emelâk Anitâņe Isirae lohimbi meyekmâ pat kuyiņgiop ya orop pâku lohimbiņe menduhuakmâ heronņe otbaņģinomai.”

<sup>11</sup> Otmu âlâmâ yuwu tap.

“Lohimbi hânñan kulemñan me wosapâ wosapâ mansai ya orop Kutdânenñe Anitâ mepaene.”

<sup>12</sup> Otmu âlâmâ Yesaianje kulemguop ya yuwu tap.

“Dawitihât senâmbâ gâtñe âlâñe tetem pâku lohimbî yeñgât kunyeñe manmâ tihityeñe otbuap. Tihityeñe otmu lohimbîñe yâkâlen biwiyenñe kepeim mannomai.” Den yawu tap.

<sup>13</sup> Anitâñe manman kârikñahât pat kuningiop yakât bulâñe orowâk menomgât mâmâñe otningimu yâkâlen biwinenñe kepeim manmain. Yeñe yawu torokatmâ mannomai yan biwiyenñe hikuakmâ konohâk otmu herone kakñan mannomai. Otmu Wâtgât mâmâñahât Heakñe mâmâñe otyingimu pat kuyingiop yakât bulâñe menomai sâm Anitâ ulitguman.

*Anitâñe Kiristohât aposolo sâm Paulo âi wañop.*

<sup>14</sup> Bukulipne, yeñe biwiyenñe hikuakmâ buku orañgim Anitâhât den yakât ki hâum pâpgum mansai. Yakât otmâ yeñahâk den kâsikum añgim tânahonomaihât dop tap. Biwinañe yawu nañgan.  
<sup>15-17</sup> Otmu yen pâku lohimbîñe Kiristohâlen biwiyenñe kepeim manñetgât Anitâñe ikñahâk nâñgânihim Yesu Kiristohât aposolo sâm âi nihiop. Yakât otmâ Kiristohât den pat âlepñe kâsikum yingim gan. Yâhâ Wâtgât mâmâñahât Heakñe mâmâñe otyingimu Anitâhât tem lâuwañgijetâ yekmu ârândâñ olâkgât nâñe biwinañe tiñâk kepeim hoñ bawañgiman. Hoñ bawañgim yan Kiristo orop biwinetñe kepeiakmu mâmâñe otnihimu âi memune bulâñe pâku lohimbî yeñgâlen tetemap. Yakât nâñgâmune yahatsap.



Yakât otmâ den kulemgum katyınđian yukât pânđe konok konok nânđâm henđenđunđetđât pahâk ekyongoan. <sup>18-21</sup> Kiristođe mâmânđe otnihimu âi memune bulânđe teteap yakât sâwe. Emelâk bukulpnânđe Kiristohât den pat ya Yerusalem kapi ambolipnđe ekyongowi. Yakât otmâ yâknđe âi tuhuwi ya torokatmâ tuhuwomđât ki nânđâwan. Yawu gârâmâ nâmâ lohimbî Kiristohât den pat ki nânđâwi ya yengâlen nânđe sâm ari ekyongowehât nânđâwan. Yawu nânđâm Yerusalem kapi pilâm yapâ kapi nombotnđe ya yengâlen nep tuhum yanak Ilurikon mewan. Yan ari den pat âlepnde ekyongowan. Otmu Wâtđât mâmânđahât Heaknđe mâmânđe otnihimu kulem topnđe topnđe memune eknđetâ âlâ kândâkdâ otmu Kiristohâlen biwiyenđe katbi. Den yan yunđe emelâk poropete âlânđe den kulemguop ya miap. Den yamâ yuwu tap.

“Yâhâ lohimbî hânđan kulemđan manmâ yâkât den pat ki nanđai ya yengâlen ari puwâk ekyongonđetâ nânđanđetâ keterakynđiwuap.” Yawu tap.

*Paulođe Roma kapi ariwom nânđâm yakât ekyongop.*

<sup>22</sup> Otmu nânđe kapi ârândânđ yâhâm gem den pat âlepnde ekyongowan yan yengâlen takawom sâm yambuđe berumnde biwinanđe hikum gaminiwan. <sup>23</sup> Den ekyongom gamune ârândânđ oap gârâmâ kapi yu pilâm yengâlen takawom. <sup>24</sup> Taka tipnđe tatmâ nânđâwom yanâmâ yen orop Kiristohât den alahum tep âlep nanđanđinom. Yen orop yan manmâ yapâ yenđe mâtâp menihinđetâ Sipein hânân ari Kiristohât den pat puwâk

ekyongowom. <sup>25-27</sup> Otmu Yerusalem kapi ambolipnaje Kiristohâlen biwiyenaje kepeim mansai ya nombotne senje âlâlâhât umburuk otmâ mansai. Den pat ya Makeronia otmu Akaia ambolipne Kiristohâlen biwiyenaje kepeim mansai ya ekyongomune nângâm tânyongone sâm nanje mem menduhum nihiai. Yakât otmâ biwinaje yuwu nanjan. Anjoân nen Yura lohimbiye kapinenne pilâm pâku lohimbi yengâlen ari Kiristohât den pat ekyongowin. Ekyongomunne nângânetâ bulâne otmu yâkâlen biwiyene katnetâ Anitâne tosa pilâyingim manman kârikjahât pat kuyingiop. Yakât matjeâmâ pâku lohimbiye Yura lohimbi senje âlâlâhât umburuk mansai ya yengât nanje menduhum nihiai yu mem ari Yerusalem kapi ambolipne yingiwom. <sup>28</sup> Otmu pâku lohimbi Kiristohâlen biwiyenaje kepeim mansaine tep âlep nângâyingim nanje yu menduhum katyingiai yukât den pat ekyongowom. Ekyongom yanâmâ yâk pilâyekmâ yengâlen takawom. Taka yen orop yan tipine tatmâ nângâm benje yen pilâyekmâ Sipein hânân ariwom. <sup>29</sup> Yengâlen takawom yan Kiristone mâmâne otningimu biwinenaje kepeiakmâ konohâk otmu herone nanjangim mannom. Biwinaje yawu nanjan.

<sup>30</sup> Bukulipne, Kutdânenne Yesu Kiristone sârerenenekmâ kawenenjan kinmu kuwetâ muop. Yakât yeje nâhât sâm Anitâ ulitgunetâ mâmâne otnihimu lohimbi belângen manmai ya den pat âlepne ekyongomune nângâm Kiristohâlen biwiyene katnomai. Otmu

Wâtgât mâmâñahât Heakñe mem hewewen tuhunenekmu biwinenñane kepeiakmâ mansain. Yakât yuwuhât otmâ nâhât biwiyenñane tiñâk kepeim ulitgunomai. <sup>31</sup> Pâku lohimbine nanñe mem menduhum nihiai yu mem ari Yerusalem kapi ambolipñe yinñiwom. Yinñimune nânğâñetâ ârândân otbuapgât ulitgunomai. Otmu Yuraia ambolipñe Kiristohât den pat nânğâñetâ gemu bet pilâmaiñe mem bâlenekmaihât ulitgunomai. <sup>32</sup> Yawu ulitgunomai yanâmâ Anitâñe nânğâñihimu yenğâlen takamune orowâk tatmâ biwinenñe sânduk sâmu heronñe nanğanñinom. <sup>33</sup> Otmu Anitâ biwi sânduhân katnenekmapñe yen orowâk tatmâ tihityenñe olâkgât ulitguman. Ya bonñanâk.

## 16

### *Pauloñe Roma yenğât nânğâyinñiop.*

<sup>1-2</sup> Bukulipne, nâ yenğât tep hero nânğâyinñian. Yakât otmâ den bâine yu sâm hârewe. Tounenñe âlâ, kutñe Piwi sâm, yâkñe Kenjeria ambolipñe Kiristohâlen biwiyenñane kepeim mansai ya yenğât hoñ bawa manmâ tânyongomap. Otmu nâ gurâ yawuâk tânnohomap. Yakât otmâ pepa yu bâine kulemguan gârâmâ Piwi wañmune mem Roma yenğâlen takawuap. Takawuap yanâmâ Kutdânenñe Kiristoñe buku otningiop yakât dopñeâk yenğu buku otbañginomai. Otmu wahap wuân me wuângât umburuk otmâ âiyongowuap ya in yawu wañnomaihât nanğan.

<sup>3</sup> Otmu yenğâlen gâtñe lohimbi yâhâp, kutyetñe Akuila yet Pirisila, yâk orop biwinenñane hikuakmu Kiristohât âi meminiwin. <sup>4</sup> Âi orowâk

meminiwin yan lohimbi belângen mansaiņe mem bâlenekmai sâm hâkyetņe ki biuk sâop. Yawu otmâ tânohomutâ orowâk nep tuhum gawin. Yakât otmâ nâ otmu pâku lohimbi Kiristohâlen biwiyenāņe kepeim mansaiņe yâk yetgât nâņgâytgian. <sup>5</sup> Otmu lohimbi nombotņe yâk yetgât emelan yâhâ menduhuakmâ Kiristohât den ya alahum kiki mewañgim mepaemai yengât nâņgâyĩngian.

Otmu Asia hânân gâtņe, lok âlâ, kutņe Epaineto sâm, angoân Kiristohâlen biwiņe kalop yâkât nâņgâwaņgian. <sup>6</sup> Otmu imbi âlâ, kutņe Maria, yâkņe yengât nâņgâmu yahatmu hoņ bayĩngim mansap yâkât nâņgâwaņgian. <sup>7</sup> Otmu bukuyâhâtne âlâmâ, kutyetņe Andoroniko yet Yunia. Nâņe Kiristohâlen biwine ki katban yan biwiyetņe yâkâlen katmâ aposolo âi mem gaowot. Yakât otmâ mem pâi emetņan katyelekņetâ orowâk manbin. Yâk yetgât nâņgâyĩngian.

<sup>8</sup> Otmu bukune âlâmâ, kutņe Ambiliato, yâkât nâņgâwaņgian. <sup>9</sup> Otmu lok âlâ, kutņe Uruwano, orowâk manmâ Kiristohât âi mewit yâkât nâņgâwaņgian. Otmu bukune, Sitaki yakât nâņgâwaņgian. <sup>10</sup> Otmu bukune âlâmâ, kutņe Apele sâm, emelâk yâkâlen umatņe âlâ teteop. Yawu tetewaņgiop yamâ Kiristohâlen biwiņe tiņâk kepeim kârikņeâk kinop, yakât nâņgâwaņgian. Otmu Aristowolohât hep torehenlipņe yengât nâņgâyĩngian. <sup>11</sup> Otmu bukune âlâmâ, kutņe Herorion, yâkât nâņgâwaņgian. Otmu Narikisohât hep torehenlipņe Kiristohâlen biwiyenāņe kepeim mansai ya yengât nâņgâyĩngian.

12 Otmu ata gari Tiripaina yet Tiriposaŋe Kutdâhât tem lâuwaŋgim yâkât âi tuhum mansawot ya yetgât nâŋgâyitgian. Otmu imbi âlâ, kutŋe Peasi, Kutdâhât âi yakât biwiŋaŋe tiŋâk kepeim tuhum mansap yâkât nâŋgâwaŋgian. 13 Otmu lok âlâ, kutŋe Lupo, yâhâmâ Kutdâhât tem lâuwaŋgimu ekmunŋe yahatsap. Otmu mâmâŋaŋe yâk wawaeop yakât dopŋeâk nâ wawaenekmâ gaop yâk yetgât nâŋgâyitgian. 14 Otmu lok kiŋgitŋe orowâkŋe menduhuakmâ Kutdâ mepaem manmai ya yeŋgâlen gâtŋe nombotŋeâk kutyenŋe yongonbe. Asingirito, Pilehon, Herema, Patorowa, Hereme, yâk yeŋgât nâŋgâyinŋian. 15 Otmu lohimbi yâhâp, Piloloho yet Yulia, emetyetŋan bukulipyetŋe, Nereo otmu garinŋe, âlâmâ Olimpa, lohimbi nombotŋe kutyenŋe ki nâŋgâyinŋian ya orowâk menduhuakmâ Kiristo mepaemai yâk yeŋgât nâŋgâyinŋian.

16 Yakât otmâ yu sâlikum nâŋgânomai. Yawu otnomai yan Anitâhâlen biwiyeŋaŋe kepeim buku oraŋgim mansai yakât heronŋe nâŋgâm parahuaknomai. Otmu kapiŋe kapiŋe Akaia otmu Asia hânân tatmâ arap yakât ambolipŋe biwiyeŋaŋe Kiristohâlen kepeim mansainŋe yeŋgât nâŋgâyinŋiai.

17-18 Bukulipne, den tâlâwâk ekyongomune nâŋgâm heŋgeŋgum biwiyeŋan katŋet. Anŋoân topŋe katmâ Kiristohât komolâmbâ nombotŋaŋe yeŋgâlen toho yâkât den pat âlepŋe kâsikum yinŋiwi. Den kâsikum yinŋiwi yamâ yeŋambâ gâtŋe lok nombotŋaŋe yeŋahât nâŋgâŋetâ yahatmu kutdânenŋe Kiristohât ki tem lâuwaŋgimai. Yâkŋe

den bulâne ya nângâm kelanġatmâ bukulipyene lohotġan mansai ya kâityongom biwiyenġan kionġetâ mâtâp tâpikgum hionġakmaihât galemahom heġenġum mannomai. Yawu otmâ lok yawuya betyongonomai. <sup>19</sup> Yâhâ anġoân den pat âlepġe ekyongonġetâ nângâwi yapâek yeġe biwiyene galemahom den ya tâġ tâġâk lâum gawi yakât sâm haġ tuhuġetâ nângâm herone otban. Yeġe yawuâk torokatmâ manġetâ den topġe topġe ekyongonġetâ nângâġetâ Kiristohât den orop ki lâuakbuap ya pilânomai. Yâhâ yâkât den orop lâuakbuap yamâ nângâm biwiyenġan katmâ mannomai. <sup>20</sup> Yawu otmâ Anitâne yeġġât biwi nângân nângânyene mem konohân tuhumu hikuakmâ konohâk otmu ki hionġaknomai. Yanâmâ yâkġe mâmâne otyiġgimu biwiyene galemahom lok nombotġane Satangât tem lâuwangim Kiristohât den pat kelanġatmai yamâ watyekġetâ arinomai.

Yâhâ Kutdânenġe Yesu tihitnenġe otmapġe biwi nângân nângânyene mem konohân tuhumu kepeiakmâ manġetġât Anitâ ulitguman.

<sup>21</sup> Timoteo orowâk manmâ âi tânahomait yâkġe nângâyġiap. Otmu bukulipne, Lukio, Yason, Sosi-pata yâkġe yawuâk nângâyġiai.

<sup>22</sup> Otmu nâmâ kutne Tetio, Paulone den yu eknohomu kulemgum katyġgian. Nâġe yawuâk nângâyġian.

<sup>23</sup> Otmu, lok âlâ, kutġe Gaio, yâkât emelan yâhâ menduhuakmâ Kiristo yet Anitâ mepaeyelekmain. Yâkġe nângâyġiap. Otmu lok âlâ kutġe Erasto yâhâmâ kapi ambolipġane takesi katmai ya galemgumap, yâkġe yawuâk nângâyġiap. Otmu miti lok âlâ, kutġe Kuato,

yâkņe yawuâk nâņgâyîņgiap. <sup>24</sup> Kutdânenņe Yesu tihitnenņe otmapņe yen kerek biwi nâņgân nâņgânyenņe mem konohân tuhumu kepeiakmâ mannomai. Ya bonņanâk.

*Den bâiņe ekyongop.*

<sup>25-27</sup> Bukulipne, den yu bâiņe sâmunne pesuk sâek. Emelâk embâņân Yesu Kiristohât den yukât topņe amokņan talop. Yakât otmâ lohimbi kiņgitņe orowâkņe yeņe nâņgân nâņgân watmâ yakât topņe pâpguminiwi. Yawu gârâmâ Anitâhât poropeteliņņeâmâ yakât topņe nâņgâm heņgeņgum emet inâņņan den kulemgumi yu Yesu Kiristonņe nen aposololiņņe kâsikum ningiminiop. Yawu gârâmâ lohimbi hânņan kulemņan manmâ araiņe den yu nâņgâm Kiristohâlen biwiyeņe kepeim Anitâhât tem lâuwanņim manņetgât nen gurâ ikņe sâtgât den kâsikum yiņgim mansain. Yâhâ Kiristohât den kâsikum yiņgian yu nâņgâm biwiyeņan katmâ mannomai yanâmâ Anitâņe mâmâņe otyiņgimu yâkâlen biwiyeņe tiņâk kepeim ki lohotņe otnomai.

Otmu Anitâ nâņgân nâņgânņe yahat yahatņe yâkņe ikņahâk nanņe Yesu Kiristo hâņgâņgumu ge kawenennan kinmâ muop. Mumunambâ yahatmâ himbimân âwurem yâhâmu âwâņâit tawot. Yawu nâņgâm nenņeâmâ Anitâ Awonņenņe sâm heronņe otbaņgim mepaem manbisâin. Ya bonņanâk.

Nâ bukuyeņe,  
Paulo

lxxx

**Yesuât Den Pat Âlepŋe**  
**The New Testament in the Selepet Language of Papua**  
**New Guinea**  
**Nupela Testamen long tokples Selepet long Niugini**

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 11 Nov 2022 from source files dated 22 Nov 2019

995083d2-705e-5a60-af47-1e36806ccbc